

明

詩

紀

事

明詩紀事

貴陽陳田輯

辛鐵

王屋一首

屋字孝峙初名曉字蘭九嘉善人有學可齋詩箋

靜志居詩話孝峙以詩受知魏忠節因與忠節一門
羣從和酬詩類劉改之詞學辛幼安嘗過同里曹學
士齋學士曰先生尙能著屐遠步耶應曰有太史公
不可無牛馬走鄉里傳爲新語
魏塘詩陳孝峙孤貧無家託身於郡大姓好爲詩顧
艾見而賞之載與俱歸爲延譽爲人修辭美丰神工
草隸善滑稽邑薦紳皆樂與之交

子夜歌

阿翁將嫁女問女願誰歸富室多爭寵貧家常苦饑

顧艾 一首

艾字病已一字匏青嘉善人有勸影齋自淺齋一集

魏塘詩陳病已與魏忠節父子比鄰友善持論未嘗苟合忠節稱其端士工詩歌家負郭被褐藜藿日中

往往不舉火然門外多長者車轍遊都城見王屋詩愛其才召與同居至共衣食廣爲延譽遂得與邑士大夫交其論詩不必摹擬摹擬合則神情離如建章千門萬戶不襲阿房故址新豐緜造徒欺田舍翁耳持論甚精旣引王屋交於邑士夫邑士夫憚病已剛樂與屋交屋晚起家爲富翁而病已家益貧苦吟

嚴爲詩以百計未嘗有所干於人曹宗伯勸作贈王屋詩云猶勝桐村顧病已餽賜空煮蠶魚羹

秋葉

秋葉離披飲淚痕青紅間色映柴門吹殘將次孤巢影落盡無由庇木根誰怨霜風今已甚反嫌雨露青多恩天涯何處容憔悴敢託寒爐此夜溫

陳衍

二首

衍字磐生閩人有大江集

靜志居詩話磐生與徐興公同入曹能始閩風樓詩社而賦才懦鈍光炤微而不舒其自序比於春草蔓生秋蟲孤響良亦自得之言十五日風高言集田嶧淵日磐生詩風姿搖曳意態芊綿有落花依草之致

題邵大行薰亭

一片蒼山落案前亭亭孤塔影嬋娟林花乍落猶含露池水新生卽有煙蟻趁侍兒登佛閣鶴隨門客上漁船清光盡貯軒庭內獨榻拋書抱石眠

上報國寺毘盧閣

十丈青蓮朵朵開毘盧高閣獨崔嵬欲看山勢連天遠已見

河流帶雨來宮樹陰濃秋未落塞鴻聲斷晚猶哀烽煙直北
何時息處處關門鼓角催

王履和二首

履和字仲美邢臺人諸生

香山寺

金繩經百轉咫尺近清涼老樹經秋醉馴禽與客忘雲來千
澗雨過一山香每到無生地翻愁返故鄉

懊恨歌

情多易起惱歡久自生悲棄妻不恨恨郎愛妻時

麻三雍

一首

三雍字仲雍宣城諸生

怨王孫

灼灼嬌花解媚人
萋萋芳草獨傷神
那因芳草偏成恨
自是嬪娟不奈春

吳一元一首

一元字堯開宣城諸生

贈顧二娘

問酒青樓繁玉驄
梅花春伴小橋東
縱來厯亂猶堪惜
不學山蹊桃杏紅

何絳三首

絳字不偕一字孟門廣東順德人有不去廬稿

廣東詩粹不偕與陶璜梁棟陳恭尹贊其兄衡讀書西樵山中世稱北田五子

徽表詩傳盡門於古體不喜李杜故卒少變化惟五律最工起手

送黎雨亭再之惠州

非余偏惜別君去亦淒然霜葉臨江樹秋風下瀨船書期長
至後歸訂未行先莫戀西湖柳依依婀娜前

十四夜與吳山帶任肇楚齋葡萄看月

涼風起中夜爲客動高吟與子詠明月誰人知賞心佳辰驚
節序方外散幽襟轉惜分攜後寒江白露深

郊居

郊西日將夕鳥雀何囉囉好月來平野微風過暮鐘草衰寬
石路木落出寒峯覩此芳菲盡悠然思嶺松

梁樞

一首

檀字器圃廣東順德人諸生

陳恭尹獨漉堂集器圃弱冠補諸生有聲運會遷移
盛年自廢結茅池西扁日寒塘懸板橋以限往來非
其人不得入也好讀書晝夜不釋卷興之所至扁舟
獨往旬月忘返近郡名山羅浮西樵歲必一再登天
性高潔然不能獨居無朋友則不樂偶不至則輕裝
就之高談雄論觸緒英發遇世俗人終日不作一語
人初以爲傲久而親之知其無他也爲詩力追中唐
冲澹有自得之致

送何不偕之潮州

擾擾不得志客心安可論古關羸馬路窮海惡魚津驛葉行
邊落籬花到日新遨遊無不可天地一閒人

岑徵

二首

蒼梧

徵字金紀一字霍山南海人諸生有選選樓集

日月閒虞代風聲變五絃弔流不返南狩是何年瘴雨摧籬芷東風怨杜鵑容華銷旅食淚盡百蠻天

湖南秋興

一雁下平蕪天空楚月孤西風吹落葉秋色在南湖欲學長沙傅投書屈大夫三湘哀怨地懷古獨躊躇

易訓

一首

訓字宣人新會人有東樵遺稿

廣東詩粹宣人性狷介嘗往厓山倚哀歌亭放聲大哭後適蒼梧得瘴疾卒

送一公還山

師今何處去相送出林間一路隨芳草尋鐘歸舊山猿聲深澗冷雲影上方聞後夜遙相憶松門且莫關

英上 一首

上字卓今新會人諸生

谿上作

清谿一來往石上自潺湲驚立菱荷際蟬鳴槐柳間微風當
近水殘雨不歸山停棹待漁父相隨沽酒還

梁可瀾 一首

可瀾字元叔廣州順德人有狂仙遺草

蓮賀閣集元叔博學能詩性耽山水隱居羅浮慕葛
稚川修煉故事自號三十二峯太狂長嘯仙

夜泊西灣

野水泠泠浸碧天西灣深處泊漁船千山月色孤蓬外半夜
潮聲一枕邊春夢覺來傷往事鄉心老去憶行年白頭不是

忘歸客獨對蘆花思悄然

庾樓

一首

樓字本叔歸善人

次答張伯洪

白髮催遲暮高峯伴寂寥十年成底事一別如今朝但可花
經眼何當米折腰子山詞賦好遺恨向誰銷

趙煩夫

二首

煩夫字裕子番禺布衣有草亭稿

過梅花村

乍識羅浮路梅花尙有村二三家映雪清淺水臨門古夢銷
香寂寒梢挂樹痕仙家歌舞罷山色幾黃昏

倚杖

莫上溪橋望斜陽
背晚鴉衰年仍作客
亂世已無家斷雁煙
迷影寒梅雪作花
片心搖欲折淒切聽鳴笳

梁觀一首

觀字顥若南海人

廣東詩粹顥若詩有晚唐佳致

經亂泛舟甘溪作呈同侶

久無閒興到溪村
舊友同遊不半存
山色幾曾離釣艇
湖聲空自過僧門
路經兵後橋梁斷
林有人來鳥雀喧
身外問誰歸計得
樵漁相笑未開言

凌采八首

弟字水木一字木道南通州人諸生有冰雪攜竹灰
愁課等集

一經堂詩話水木遭世險巇沒身坎壈困窮詬辱胸
臆鬱鬱不得吐盡發之於詩其自序云奔林之獵聲
愈蹙經霜之葉響愈悽又云性多感慨不能自同木
石支離荒忽莫識所之喜不期笑而笑怒不期詈而
詈幽緒無端弗可強已讀其全集大旨專主性靈有
竟陵之清機而不墮其癡濶

田按水木詩幽咽似寒蛩令人留聽

諸弟姪見過

見人遙擬是今果到江干帶露一身溼放筇詢我寒燃松持
茗坐分石與雲看燭影分求宿江鷗暫避灘

狼山晚步

亦是春遊客日西山自幽巖花逐水落谷鳥喚人留江靜欲

生月松深不待秋同心閒躋步汗漫更何求

夜過山寺

秋色冷一天此中人已眠白雲獨來去黃芽寺門前凭閣得
山半依櫺見月全冥探思悄悄鈴鐸數聲圓

再過楊氏隱居

亦一居止見週心曲徑經過尙費尋門欲向山兼得水屋因
在野遂成林桔槔方舉雨來疾機杼微聞雲隔深好結數椽
君左右記予此志已從今

獨吟

坐久黃葉落閒竹扉聲忽問何人至石邊鶴影橫

投宿北山蘭若

帶霜披積莽逐月繞梧桐不厭幽人住山空一徑通

贈融上人

手闢荒山身欲老還將禪定對空江松棟寂聽皆成悟一任
雲來自打窗

送張子歸陽羨

花落愁兼海燕飛家山此日筍初肥獨憐不及舟前柳一路
青青相伴歸

楊時過二首

時遇字赤文南廸州人諸生

重題雪竇

小閣出岑蔚何因清話同半窗月影上一枕水聲中涉趣無

拘礙觀心得妙空顚師扶我醉深媿酒顏紅

贈仁風上人

古廟香爐好作家客來拈果復拈芒鞋信踏村中草竹杖
閒挑陌上花一滴曹溪分雪乳六時香雨步金沙相逢不識
僧伽句塵手楊枝拂面斜

凌鐸庚

四首

潞庚字季元南通州人諸生有鄭頤草

山茨社詩品鄭圃草姪市中賈客無物不有不必皆
希世之珍

小除夕雨得書字

相驚寒較甚茲夕亦云除雨雪天涯暮兵戈歲月虛村醞期
共醉短髮不禁梳入夜檐聲急移床約舊書

范汝申
鄉中夜飲

歸期擬卜轉迢迢
賸得閒情付獨酌
竹葉於人差有意
燈花向客太無聊
江鄉歲晚愁無雁
旅邸風高感敝貂
近得南枝春信至
相將長耳策溪橋

登西杞臺望鍾阜諸山志感

霜林簇簇護丹梯
日照江門萬樹低
六代風流杯底盡
五雲宮闈望中迷
山應似我經秋老
鳥亦多情著意嚦
金粉銷歸何處是
繡簾木葉下前溪

窄袖上口占

亂竹蕭蕭壓短垣
寒侵破壁一燈昏
莫愁風雪明朝惡
聞說梅花發遠村

陳宏裔 七首

宏裔字文起南通州人諸生有蒼雨詩集四卷

一經堂詩話蒼雨集我用我法深悟剽賦比擬之繆
卓卓可傳
田按文起詩殊爽健

宿雙溝道間題壁

暝色催涼雨投身荒圃間迹疏孤客窘人定百蟲閒遠望若
可卽舊山殊未還明朝須早起聒耳怪潺湲

留客

涼風生戶牖急雨下庭柯我正欲飲酒公今無渡河及時山
果熟隨意野蔬多莫畏前溪暝煙中有綠蓑

亂定出山晚歸有作

爲戀嵩陽寺遲遲到郭門北山新有檄南國舊招魂孤鳥投
殘照歸雲擁暮村漁樵皆絕迹兵甲畏黃昏

落日

關河百戰後落日迴含愁古戍人煙斷空山草木秋生涯傷
米價國稅及漁舟野哭何時息諸軍正逗遛

憶昔

輪臺下詔悔從前哀痛中原戰鬪年博士尙陳鹽鐵論上方
時減水衡錢新亭一夕悲禾黍故國三春泣杜鵑回首興亡
成俯仰廣陵城北斷炊煙

送笠澤之大梁應聘

一樽祖道唱驪歌驅耳批風指汴河海嶠白雲親舍遠天涯

紫氣舊京多逢人是處心堪寫揖客從來禮不苛若過夷門應悵望大梁公子近如何

過吳小鬱新居

槐影初斜聽午雞呼兒翦韭婦蒸藜故人治具留花下高士移家近竹西肯使姓名通狗監可聞比舍有牛醫藥欄莫怪頻相過坐惜春光入鼓鼙

季良眉

一首

良眉字子常泰興布衣有北村詩鈔

感興

萬物悲秋氣漪塘日半斜孤清憐浴鷺疏放對溪花鬼火青依草漁舟白近沙閒愁輕易起觸目已成嗟

楊麓一首

麓字戶雲南通州人諸生有竹柳堂西林社自怡等集

一經堂詩話戶雲與里中范十山孫皆山胡麟公結社山茨其詩鉤棘索隱沾染鍾譚習氣其流利清越者如水亭云客意方獨成流鶯乃相顧閒居云有情夜月邀詩友無那春風戀酒人集中佳句也

薄暮歸舟抵塔山乘興登眺

嵐氣暮未落攜筇上遠岑潮來山欲去天盡水多深對月發吟興因風揚梵音征塗吾倦役久動故鄉心

孫模二首

模字楷人南通州人諸生有悲煙草

于一水亭

年來歧路歎紛紜偶間風塵一識君沙漠誰人悲雁字邗江
有客乞鵝羣相逢旅鬢皆秋色對酒鄉心隔楚雲我亦攜琴
訪同調一泓流水靜中分

酒醒夜起

重剔銀缸暗起看北斗斜忽驚清影併殘月在梅花

明詩紀事

貴陽陳田輯



李標一首

標字子建嘉善人自號東山遺民有東山遺稿

靜志居詩話子建精於戎機戰畧王遁諸書史閣部
道鄰辟爲記室事不可爲返里與魏吉士子一深契
吉士公車北上執手河干謂子建曰予夢斜塘見茫茫
一片土無復雞犬桑麻行後得無有變乎子建戲
曰君且富貴宜目中無人耳甲申吉士喪車北還經
斜塘子建撫棺曰子一果妖夢是踐耶慟哭失聲繼聞史公殉節揚州渡江會葬其衣冠於梅花嶺
歸而繞屋皆種梅賦詩三十首蓋託於西臺効哭之
謝參軍云

病起園梅已殘有感

病裏看梅也療饑春光依舊帶園非有情花片無情雨攬起
春愁慙亂飛

葉珍 一首

珍字重君嘉善人諸生有潛夫集

魏塘詩陳重君應大司馬張公國維辟爲記室倚馬
草檄讀者汗浹髮鑒已杖策入閩嶠歷東粵聞父喪
跣足還歸旣葬復惆悵出門瞻河登岱感物愴懷一
寄之詩歸里棄故廬別構茅屋數椽壘土成阜曰果
山黃冠布衲矻矻著書以終

體上人開講鐵佛寺賦贈

攜杖湖山側相看白髮新烽煙存古寺冰雪見完人交遠情
偏密機空語自真虎溪何必遠撫掌悟前因

孫纘祖 二首

續祖字昭令嘉善人諸生有隆畧堂詩二卷

和顧偉南九日

令節當風雨繁雲鬱未開凌秋一雁過落木萬山哀短髮還
扶帽長歌數舉杯東籬泛菊者應望白衣來

傷春

舊苑荒荒長綠蒲衣冠無復想雄圖孝陵紫氣春蕭索少海
前星事有無帝子夢寒春草碧野人愁絕海雲孤可憐此日
空翹首猿鳥遙天淚欲枯

蔣國榮

一首

國榮字功夏嘉善人

棹歸榮川

漁帆江海寇青濱阻去棹坐悲寒食雨吟望古魚沙改徧新
林火凋殘舊塚花淒淒櫻筍餉誰過野人家

蔣平階 一首

平階初名斐階字馭闕一字大鴻華亭人僑寓嘉善
有集

黃觀只述就獄始末爲誌悲感

何事轎車客棲遲感歲華范滂甯就吏張儉竟還家二月秦
淮柳三秋句山花圓扉真不惡慰爾莫長嗟

計孺 一首

孺字元孺一字古民常熟人僑寓嘉善

魏塘詩陳元孺工詩清實洒洒晚唐中之清弱者

移居

北山曾竊吹南郭且潛身松菊本無主雲泉任卜鄰著書強
自喜乞食肯言貧便是柴桑里深居數夕晨

黃輔

一首

輔字弃公如皋人諸生有恕菴詩稿四卷

移竹

幽居愛結水雲傍曲徑方塘卉木香添得琅玕三十箇一庭
秋色似瀟湘

叢一蘭

一首

一蘭字栖枳如皋市衣

東逸上人索茶

庭槐風雨午泠泠一枕羲皇夢自醒莫道書生無箇事焚香
拂几著茶經

范廷瓚一首

廷瓚字獻重如皋人諸生有吳吟竹西咏漚莊集

玉鉤斜

吳公臺下墳玉貌化爲土誰慰六朝魂悲風作寒雨

馬鑾二首

鑾字伯和貴陽人

田按伯和馬士英子華亭顧在觀爲楊龍友所引入
士英幕嘗言阮大鋮不可用大鋮欲起鉤黨之獄在
觀說伯和泣諫賴以稍止是亦能幹萬首也國亡後
垂旒金陵賈卜以死士英又有子名錫爲禁軍將督
大兵渡江梟其首於市見廣陽雜記

追和亡友鮑曼殊見贈

贈言能幾日君已倦人間到死事方畢有生誰得閒夜臺仍
貰酒遺草欲藏山幽感元無隔招魂自可刪

聞蛩

秋夜已淒清空階爾復鳴故催砧響亂如與客愁爭酒淺夢
難續家貧心易驚燈前兒女笑同聽各爲情

吳道約

一首

道約字博之一字亞侯桐城人諸生有大安山房集

秦淮雜詠

油壁車前納晚風單衫杏子溼微紅何當素手攀珠箔秋水
橫波一笑中

楊焯

二首

焯字俊三吳人僑寓金陵

秣陵雜詠

二首

城南臨眺處傳爲雨花臺野曠層陰合山空積翠開吳雲連
海動朔雁暗江來坐覺煙靄外風聲戰角哀

正學祠邊路沈吟木末亭雨飛垂薜荔臺古落丹青夜火歸
遊騎寒城沒曉星蒼蒼空霧裏應見哭青冥

黃世康

一首

世康字元幹莆田布衣

蘭陔詩話元幹負不羈之才壯遊四方嘗出山海關周覽形勢察沙場堡塞屯牧戰守之宜渡遼水入燕將上書言邊事時士大夫譁言兵威以爲狂無所遇而歸後客順小侯所建家爲草顧襄格平盤露布援

筆立就辭義瓊瑋所建大喜酬以金百斤兼十正元
幹分贈貧交立盡

重陽前一夕從家給諫茶讌同吳元翰韻

蕭颯寒氣肅登高孰擬賦蠟屐遲明朝瓊筵啟茲幕石泉響
試茶庭菊香墜露昔聞林下風今見塵外度志以澹泊明道
以塞默悟顧往渝芳途撫茲懷幽趣雲影流方塘風聲寂高

樹

周蘊卿

一首

蘊卿字爾修莆田人國子監生有章林岩閨草

春日雜興

翹首看黃鸝高飛不可攀幽心依白社託興在青山草閣溪
聲細松門鶴夢間微吟向林薄妨損石苔斑

林環 一首

璣字台正莆田人諸生有簡園詩集

蘭陵詩話台正同遊諸君皆臧楚咻獨能不墮時趨
取材於漢魏六朝亦磊落之士也

門有車馬客

門有車馬客車馬何軒軒問是故鄉人披衣不及殲延客登
我堂稍稍敘寒溫客心乃自悲對我淚傾盆云當出門時辛
苦猶胥奔故族已凋喪親戚無一存巍巍舊第宅蓬蒿翳其
門昔時歌舞地今日盼清猿君家有邱隴狐兔遊其原還憶
平生親跡往惟孤魂聽此未及終氣促聲已吞勸客飲此酒
感慨涕盈樽

方沂 一首

沂字宏祐江甯人有天隨堂集且漁集

金陵詩徵宏祐自號江上野漁結茅江上得魚輒以易酒醉則高吟與僧克明巨顛制石岡疇與周等相和皆隱於方外

魯兩生

繼聖如有作百年始勝殘漢初承秦敝禮壞樂不完卓哉魯
兩生欲以責君難奈何叔孫通因陋成苟安遂令一代制王
霸雜申韓堯禹治天下澄源在其端土階三尺餘豈直奉崇

觀

王之梁

一首

之梁字雲峽嘉興人僑寓金陵有讀史廬稿

金陵詩徵雲峽使劍遠遊福王南渡慨然上書陳策
爲馬阮所忌幾被害南都失守遂頽然自放生平好

結客每遇豪士攜酒對大江痛飲嘉興周賓憫其流
離以詩招之歸云咫尺傳烽隔往還故園流水自游
漫寒烟豈限重湖雨春樹能深二月山結客徒然開
竹徑避人應復閉柴關他鄉縱有憐君者何似歸來
十畝間雲竦竟不歸佯狂以終

蘇臺頌

蘇臺高高不極臺高望見臺兵入當時吳漢爭江汜虎鬪龍
爭勢未已偏師一旅控臺城更出一軍援唇齒批亢擣虛斷
中堅左支右梧應莫抵天下事未可知何爲乎飲河之鶻怡
堂之雀徒然守此彈丸之黑子堪憐跔蹐無良策但取蘇臺
作京國旣無島中五百人空結堂下三千客雞坡狗塘競吳
子狗盜雞鳴無一士祇有田機偏強心昂首漢皇呼我爾檻
車肯乞隆準憐怨魂夜哭龍江水噫吁嘻蘇臺高高已夷吳

民猶問張玉基

覃獻籙一首

獻籙字公烈荊州人明末官中書國亡後走日本遇
羅晚居鍾山

東艤舟中與故人話舊

離亂移家西復東故人相見已成翁旅窗記別十年外前夕
論心三月中按劍風塵驚老大聚沙庭院與兒童蹉跎莫話
文章事聲價於今總不同

鄧右符一首

右符字台卿南豐人有龍城隱集

遊崇覺寺有感曾文定公墓

駐馬寒塘聽晚鐘平安竹下走青童松杉異代秋風裏屬員
荒碑落照中客爲白雲添悽望禪從黃葉悟眞空斯文今日
誰爲主莽莽寒山感慨同

黃文星

一首

文星字子威南昌人儒寓孝感貢生有望楚堂集

春湖曉釣

半湖春雨一蓑煙盡日蕭蕭濛碧天隔岸桃花茅屋底斷無
人處有漁船

璩一麟

二首

一麟字逸仲建昌新城人諸生

同涂山公夜渡江門

看山不覺晚乘月到江門野寺橋邊路漁家竹裏村長林通
古渡遠燒隔寒原獨夜借君去幽懷未可言

溪上

小徑入松林寒流爭斷岸漁歌送響來時與溪聲亂

盧傳來

一首

傳來字復郎一字念聲甯鄉人崇禎貢生

高歌

孤憤誰堪語高歌自寫哀世人幾欲殺吾黨亦相猜短髮秋
霜點寒衣薜荔裁坐看三徑裏晚菊傲霜開

李振聲

一首

振聲字元公東陽人有石艇子詩

金華詩錄振聲自號石艇子勝國遺民自題墓石守志以終

草堂

築石面郊垌清光滿戶庭水方嚴瀨碧山學灞陵青我意懷肥遯人情忌獨醒夜窗松月白坐獨楚騷經

戴于庭

一首

于庭字子薦金華人貢生官沙縣教諭

閒居

解帶有餘閒玩此一拳石讀罷黃庭經松蔭墮秋碧

驟雲程

二首

雲程字天游一名雨禾字穉孫嘉興人有素券堂集

魏塘詩疏天游號隱畧知兵事中丞岳和聲出鎮榆林延掌書記時乘駿馬走塞上與宿將賈酒悲歌縱

觀亭障詢各邊形勢凡阨塞要害如指掌年九十一
餘談及馬阮飄髮植齒鑿以不能奮臂其間爲恨嘗
與蔣之翹選擣李詩乘未及梓

送弘與上人採茶埭山

飛錫躡芙蓉穿蘿摘紫茸香煩三等判色借一谿濃雪乳擎
甌泛雲芽裏箬封師還結湯社參破趙州宗

暮春

愁中忘却春歸去綠暗蘆蕪燕子飛還憶月明攜手處半庭
花影上人衣

張玉成 一首

玉成字成倩如泉人諸生

田按成倩輯七言律準四十七卷自敘云樂有準六
律之節以達詩有準五十六言之法以昭度有準萬

器之情以得得準之義可以言詩成倩所著不多見
未知於準之義果何如也

雪中懷園伯麌王翰卿

萬木蕭條入暮煙
纘紛飛雪壓籬邊
慚仲蔚平陵宅翻憶
王猷剡水船
歲事淒涼愁共劇
風塵搖落病相憐
那堪更滯三閭地
讀罷招魂思惘然

朱文心

一首

文心字瑞龍南通州人貢生有惺園集

金陵江口夜泊

孤舟江上泊
秋夢耿難成
片月中流影千帆半
夜聲地鄰桃葉渡
山近石頭城
倚艤間吳詠
偏令旅思生

吳爲霖

一首

爲霖字景傅無錫人有白賁集

客自澄江歸有贈

浮遠堂前路微風穩放舟江昏茶磨雨煙暝
弩臺秋入釀花雞胞開樽綠蠚浮西塘十八里來往候潮頭

明詩紀事

貴陽陳田輯

詩籤

潘陸二首

陸字江如吳江人僑居鎮江有穆溪集

明詩綜魏楚自云江如四壁蕭然而北海之座常滿其論詩慷慨謂鍾譯興而國亡是亦法家定案

生米鎮

古鎮風帆落天涯倦客回白雲生鵠嶺真氣抱蛟臺瘴海軍書警殘黎野哭哀青青灞岸樹記取豫章材

劍津

城下三溪合當時七較齊曾聞朱鸞出復見杜鵑啼碧草年

頻換蒼梧路總迷向來消息斷淚盡浙江西

湯燕生

三首

燕生字玄翼一字巖夫甯國太平人有商歌集

漸治荆惠舊錄巖夫自太平遷燕湖所居地甚僻屋
兩楹內外皆農具恬然一農人也恆苦人過訪人亦
罕有造者詩皆唐音篆書古淡入妙不在伯奇子行
下

赭山二首

赤鑄山頭鳥不飛上皇曾此易青衣無多侍從爭投甲有限
生靈但掩扉五國城西邊月苦景陽樓下暮鐘微傷心莫唱
淋鈴曲未得生從蜀道歸

淚逐天風向北揮山僧指點舊重關輶車東驅泉偏咽代馬
南來草不肥野老久知今日事先臣猶護昔年非延秋門外

王孫盡司馬元戎自錦衣

梅村詩話玄翼赭山懷古二首於乙酉五月事極切哀婉淒涼使人不忍卒讀武塘夏雪子極稱之

訪浙江大師朔園

松響山堂水自波晚知情淨寄雲柯橫流江海牽舟去失路
煙霞引杖過獨歎蘭亭離玉匣深悲書院記宣和藥欄秋興
聞今古留客聽泉蔓草坡

范路

七首

路一名灤字貞甫蘭谿人流寓嘉興私謚貞簡先生
有靈蘭館集

明詩綜周青士云遵脩潛心性命之學不闡佛氏偶然作云青青江岸山沾沾江流水夫豈不高深有象終必毀又云我嘗夜分坐仰天見北斗風吹百草頭月出萬山口牧羝北尚愛之欲付以巾拂不受海鹽

張處士塊白方請學強石山道甫謂其晰明德格物
意有未安別爲講詁云學者人或以其未盡合乎朱
子非之道甫不顧也其詩不費鉛錘而出誦之妍雅

所詣云

和平晚閒靈蘭館賣藥長水市乍愚乍智人莫測其

靜志居詩話道甫舍貞臘信博通古今賣藥市門行
太歌帶索由其見深故於憂淺識遠斯視患詳昔人謂
邱道廣農則不屑舉性峻竣則少納道甫廣混俗峻
不汚物發爲詩文多見道之言裴子野之稱劉居士
也所修孔氏之學則備者師之所明釋氏之稱則淨
教則淨行傳之所著文集則詞人錄之斯言也道甫之稱
則淨行傳之所著文集則詞人錄之斯言也道甫之稱

庶足當之矣

許燎晦堂詩話道甫歷君貧等黔婁和同柳下學伴
茂叔節類伯鸞嘗歲除大雪王布衣介人使人伺人伺之佯
方懸破席蔽風夫婦啜糠守歲遺以米五升不受族之作
亂弟思攜妻子鬻身求活留之同飯糠乾不以爲嫌遭族之
田方爲惑流離海上志不少挫遂於理學多從方外游不爲
了其詩旨意懇惻精光炯然

感懷

夜定燈燼落孤生邁遙想應物鮮所愜心形逝成兩蕙草日以摧榛莽日以長風雲道何窮羽翮悲失養擾擾泥塗中誰能事鞅掌

久雨

我心正悽惻淫雨在此時累旬不見天局躋無所之沿苔上危牆中庭竟成池萍藻忽已生青青向檐楣鳴蛙從何來公然在床帷但得天氣晴東郊望耘耔

夜坐懷唐上玉繆天自林邱聯句

獨坐燐清檠華光照纖悉燭江旣云飲四壁起蕭瑟孤情渺難控良契隔遐空懸吟殊未忘唯憇迺奔軼芳輶信所希佳辰逝何疾良哉古人言寸陰抵兼鑑

自傷

上
有紅桃花下有碧流水一朝風相吹桃花忽相委墮我飄泊人所傷亦如此

晚步

氣侵林木晚歸步自原田舊業愁中盡餘生亂後全人煙孤壘斷衰草夕陽連何處悲笳動依然似去年

一邱山院得主人吳君佐夜邀從山塗暗行二十里

山院黃昏政寂寥感君仗劍獨相邀荒煙暗盡來時路漁火明隨去後潮林下時時逢石虎樹頭隱隱出山廬柴門冥漠知何處約畧曾過舊竹橋

遙經郡城作

愁雲黑霧壓城頭
丁令重來隔幾秋
折戟尙沈沙底鐵
殘陽空照水邊樓
風吹牧馬千羣出
浪打寒塘百道流
未到新亭腸已絕
何須極目望神州

湯漣

二首

漫字聖弘吳人有香草堂遺稿

清涼山

風景故依依
孤亭出翠微
雨中同客至
月上望僧歸
山谷衆樵響
風高一雁飛
胭脂井尚在
冷碧蝕苔衣

懷顧甯人

虎頭應復讓君痴
儒俠僧樵事事宜
千百國風存野記十三
陵樹補新詩音聲小
悟殊堪喜姓字頻更莫
浪疑懷友句成

辛籤卷三十一

四

反自愧半函煙雨隔秋思

陳確

一首

確初名道永字乾初海甯人

訪蔡來老

東海尋高隱翛然屢空餘衰年千里客茅屋一床書傲骨支
天地清風動里闈日斜攜手出恰是晚潮初

吳時德

三首

時德字明之一字不官以人有蘆中草

湖山靈秀集不官苦心學詩清記孤起不隨時人徵逐
田按不官曾與錢宗伯倡和錄其詩入吾災集

暮春述懷呈顧與治

江城孤客若爲鄰相對黃花卽故人仗酒撥愁鬢易聲開編
臨牖月常親好閒未遂翻爲病得句能工始愛貧漂泊異鄉
還自幸十年猶剩亂離身

過張文寺隱居

苔逕逡巡破翠痕蕭然南郭似荒村滿畦野菜初生葉近水
垂楊半露根著述可消閒歲月香光偏到小柴門幽棲自是
吾儕事秦後桃花且莫論

答林茂之間予山中近況

日日蕭閒閉草廬莫將蹤迹問樵漁山中自是無他供一樹

梅花一卷書

張光欣 一首

光啟字元明章邱諸生

居易錄元明世居白雲湖上少爲諸生有名爲梅長公朱未孩二公所知崇禎庚辰年四十棄諸生歸圃種樹藝花自樂亂後足不履城市年八十餘卒有張仲子詩往往可傳

對菊

種菊叢叢傍石根凌晨坐臥近黃昏沽來新釀經秋醉開盡
寒花未出門

張致中

一首

致中字性符淮安山陽人以經明行修舉未授官卒

其友私謚恭孝先生有眉尹文集

靜志兄詩話復社初興君與白受藻素先方能權選若卒同鄉諸子應之而君爲之領袖以尊經博古堤尚家雖貧篤藏鼎彝碑板之文頗富有子炤字力臣藥諸生不試工六書

感懷

虎猛亦可捕龍神亦可馴咄哉不可下無如壯士心揚之秋
雲高抑之秋淵沈哀樂詎有定感物成斷斷世路塞冠蓋得
意驕黃金未逢尼父嘆安知爲麒麟

陸啟法

一首

啟法字叔度平湖人貢生有賈趾山房集

偶李詩繫叔度博極經史不事章句倜儻負奇通輕
伙類河朔壯士好談論古今成敗知邊塞事扣之纏
纏不可窮嘗遊建業命酒泛舟召舊院名姬大會詞
人於秦淮酒半一姬倚檻微嘆曰惜無兩岸紅蕖佐
此勝集明日復謙比客至則晚風拂席荷香襲人舉
座莫測其故蓋於是夕懸金購數百盆荷碎而沈之
自是十四樓中皆目爲樊川復出後走京師垂二十年
不遇歸而負甚值喪亂更名遜字山翁與酒人奇
士邂逅短歌歎歎聲淚俱下及沒趙退之以文祭之
日總君一身頓殊今昔翩翩五陵瀟瀟四壁金散名

次酬黃平立喜余遠歸

易水悲歌萬里風五湖煙雨一舟中長安大道驅流馬古成
寒秋斷晚鴻醉酒漫勞王處仲抱琴不學李元忠移文正恐
君先我十載徒然草送窮

張杉 二首

杉字南士蕭山人有集

毛奇齡西河集康熙二年海上大獄起歸安魏耕走
蕭山復走梅市大將軍刊章遮捕之獲耕並逮蕭山
梅市之藏耕者以銀錠餽李達楊遇井祁忠徵公次
子班孫家人莫敢問道路離立南士挺身走三家爲
經紀其事及耕伏法班孫與達與遇並徙塞外點解
多一人則南士也解官斥之日汝欲偕往耶南士曰
當魏耕逃時亦思至某家徒以舟楫未便故幸免今
不忍三人皆獨行欲送之過河而執事以爲欲偕往

吾豈異往者耶解官義之勘之返乃蹶然而別
靜志居詩話南士周見治聞賦才獨步詩篇和雅無
傲志之音

九日

江楓吹葉滿江皋湛湛江流雁正號病起孤懷愁望遠節逢
九日罷登高茱萸香憶仙人佩白芷寒生處士袍手攬黃花
還強酒壯心倚醉轉蕭騷

蒲坂道中作

峻坂長驅匹馬過春風吹客奈愁何重華不返蒼梧鶴孤竹
空傳採蕨歌北望雲中連紫塞西來天上瀉黃河幽懷故國
歸何處此日征衣淚更多

史玄

六首

立字弱翁吳江人有弱翁詩文集

徐松百城煙水北林在吳江縣北門外俗名新浜崇
禎間史玄隱居之地玄所著有詩集文集河行注源
東倡和集鹽法志吳江著舊傳梅西雜志舊京遺事

中秋攜新姬今宵出都

俄然出樊籠再遊江海天瀼瀼白露秋我行已三年京華貴
東溼龍沙事烽煙黃金養末士此輩無高賢怪汝蘭蕙姿識
我思歸田相從願同行梳頭鞍馬前我家住江南采菱復采
蓮自從遠行役湖渚空潺湲今日果何如與汝相周旋大婦
織流黃小婦隨機邊三日下兩絹匹匹絲纏綿其中我讀書
文史聲相宣陰陽事殊用教化達以專念此洽幽趣豈計囊
空錢汝車我馬行明珠雙炤懸

本事詩崇禎時弱翁在都門娶燕姬明慧善山水
今嘗德州廬侍御世灌賦領城悅名世詩贈之一時
和者甚眾乙酉後弱翁沒于西襟姬亦嫁爲廟養婦
矣

秋霽題北林敝廬

郊墅秋陰後平橋路未通寒林經晚翠早稻出香紅歲祲依
殘帙年侵愧轉蓬雙峰門外對野興似村翁

春感

秀色江城舊今來瓦礫平春風吹綠浦芳草不能生甲第青
蘿適空林黃鳥鳴若逢明月夜橫笛作邊聲

庚辰冬同松之文將筆文虎邱訪道開局公

步屨尋開土探幽及小春琴鳴流水靜花放衲衣新黃葉千
年樹青山半醉人還家無底事蘭棹且逡巡

祇園寺

絕壁長林古寺開石門殘日滿蒼苔
風光雲影干尋落帆色
湖陰萬里來池上白蓮堪結社院邊
叢竹且銜杯不緣病減登山力待月遙從縹渺回

當塗縣

晚泊當塗縣青山在縣門仙人今亡去
愁殺謝家村

趙渙

一首

漢字少文吳江人

田按少文與吳日生史弱翁偶和號東湖二子

楊龍友

夫子天南秀文星動夜郎摛詞飛赤電
拂劍倚青霜鸞鶴融雕

荆棘龍韜傅玉璜羣公正推轂伫望揩殘疆

顧有孝

一首

有孝字茂倫吳江人諸生有雪灘鈎叟集

徐鉉南州草堂集茂倫爲詩每矜慎不苟作遇有分題擊鉢者恆終日不成一字而間出片言必雋永領其座人吾邑白敬祺以後如周安期徐介白俞無殊

張九歸

朱長孺暨茂倫皆所謂前朝之遺老盛世之

逸民也

靜志居詩話處士甄綜百家之詩開雕分授盛行於時資至輒留江左有齋菴孟嘗君之目由其胸無染棘故月旦同辭晚自稱雪灘鈎叟松陵女子沈關關刺繡作雪灘濯足圖一經裝池過江人士以不與題解爲恨

寄贈沈留侯偕小阮北上

春風楊柳拂行舟有美聯翩共遠游入洛陸機新作賦依劉王粲故多愁舊京朱履三千士荒塚冬青一十秋湖上好山

無恙在獨持卮酒對翠鷗

周安一首

安字安節吳江人有草閣集

願有孝善灘釣叟集安節汨懷幽誦歸武宗雷清首
琅琅不滅魚山仙梵

月夜懷此山禪師兼寄張文通

憶昨投蓮社相攜出虎溪雲山忽間阻月落晉川西露下花
逾白松高鶴共棲還驚臨照內江海有征蹕

雷士俊四首

士俊字伯纖涇陽人諸生僞居江都有艾陵詩鈔

揚州府志上俊秉諸生專力經史百家熟悉古今治
亂得失之政辦別君子小人消長退進之幾爲文鋪
心則固既驗稿必琢磨再四始出以示人貧老負氣
悲憤得疾以卒

田按伯頴詩古直老蒼有唐人格調時攀魏晉此秦
風之壯激者

送河間司理李屺瞻赴任

去歲縑識面君尋作南遊至此無幾日一官之瀛州櫨昔論
文飲客舍成獻酌門外車馬喧君行不可留築夫吾老友嘯
傲臥山邱今又隨君往索居誰與傳蕭條北風厲冰雪滿道
周握手難爲別濁醪盡更籌河間近京畿動輒罹愆尤虎狼
恣窺噬彷徨使人愁何以垂令名勞民庶小休誦彼小宛詩
懷古悵悠悠

送王幼華歸秦

故人西歸去五月天方熱中途多險艱單車向嶧嶢火雲照
烈日遊子正飢渴庭樹綠陰濃執手難爲別近詩推秦風高

古比駟鐵我友有新篇字字皆白雪

春日詠懷二首

青青道旁柳，滌滌澗中水。
柳枯春復榮，水逝來如馳。
人生百年間，一死無活理。
伫立臨岐路，悠然念君子。
焉能乘雲翔陞絕，動盈咫尺高。
望邱墓前後，長荆杞聖愚固。
皆然鮮民悲天圮，孤鳥蹲寒樹。
向夕鳴不已。

步登獨岡上，遙望廣陵城。
獨立衣縹渺，颯洒起風聲。
大道何盤盤，匹馬自孤征。
荒徑埋瓦礫，山寺空崢嶸。
日光乍有無，白雲樹杪生。
回首睇吾廬，兩眼淚縱橫。

李沂

四首

沂字子化，一字艾山，號壘菴。揚州興化人。諸生有
鸞

嘯堂集

靜志居詩話，啟禎間詩家多惑於竟陵流派，中州張
耘客暨弟鳬客避寇僑居昭陽，每於賓坐論詩，有左
祖竟陵者至，張目批其頰，是時艾山特欣然相接，故
昭陽詩派不墮姦聲，皆艾山導之也。
田批子化詩清真絕俗，晚好學仙，蓋有託而逃也。

玉壺吟

予夜夢一男子持扇見示，題曰玉壺澄澈冷貯木色
覺而爲此吟也。

堯之聖兮，舜爲彌皇。紀張兮，定八極。入極定兮，二曜光。
端予軌兮，由周行。由周行兮，靈之緘。遵無爲兮，樂安居。
道之喪兮，繩墨既多紛。總總兮，王化訛。流之濁兮，源弗清。
法令章兮，亂日生。亂日生兮，巨盜起。攘神器兮，劫天子。
海水湧兮，山之椒。

天鬪其日兮民爲妖民爲妖兮心爲鬼絕陽光兮毒生理淬
予劍兮張予弓貫魑魅兮磔三彭三彭磔兮六合清驂兩龍
兮遊赤城幹元化兮紐虛無返予初兮歸玉壘

刈薪歌

今年水大薪難取蘆花水面蘆水底尺五鐮刀丈二柄竟日
一人十束止辛勤餬口豈能長尙愛妻子飢凍死黑雲滿天
鳥亂飛屋西望船船未歸

聽楊懷玉彈琴歌

楊君善彈思皇操自言崇禎末年作強之再三始肯輒拂絃
沈吟淚先落引商振角時扣宮八荒蕭槭回悲風天地愁慘
白日凜啾啾鬼哭空庭中絃嗚指咽絕復生黍離麥秀傷人

情感時述事語不明四座慷慨誰能平楊君本是西蜀豪幼
精馬槊兼弓刀三巴健兒好顏色立功好著國花袍是年天
子郊筭蒼還宮三嘆古樂亡爰命廷臣定樂章侍臣聞詔俱
彷徨或薦楊君通律呂徑來天上調宮商便殿侍坐近玉牀
賜食得比中書掌璽翻蛟躍乾坤改垂老飄飄適東海千金
囊橐散無餘惟有先皇賜琴在陽山客舍長莓苔重門小苑
碧桃開靜簡道書春寂歷細爇柏子雲徘徊滄浪之水何清
清波底墜雪白纏明布帽青鞞又西去日暮相思空復情

田按楊懷玉事詳見李確詩後

避亂舟中作

避地家何處飄然更出門艱難攜十口風雨向孤村遠浦殘

荷立寒沙急浪吞偷生任飄泊時事不堪論

王廷璧

一首

廷璧字雙白武進人

聞雁

雁聲何處至明月照西樓寂寥青楓樹蒼茫白露洲雲中呼
侶去天外入邊愁我亦窮途客悽然驚暮秋

談允謙

四首

允謙字長益丹徒人有樹護草堂集

靜志居詩話崇禎初大官庖開應支物價簿帝詣內侍謂太浮且日炙鬻膾鮒肉酢在某肆市之錢半百耳內侍驚愕尋長益問內臣述往事詩云濟邸曾親到市廬民間物價每留連西華鬻炙前門鮒一箸纔消半百錢足以微思陵留心民事之一端也

臨江柑園

臨晚蕭灘上柑園向水開黃從入霜後香自過江來日望湘雲至今疑破雨回徘徊不能去誰識楚臣哀

東湖

南浦積雲何日起西山積雨未能晴春波近已浸城半秋水平來與路平下榻有誰留孺子樹疏無地訪雲卿歌樓燒盡多新鬼夜靜猶聞絃管聲

滕王閣故址

高閣臨流付劫灰重游難問舊歌臺鋤蘭日見佳人去芳草何年帝子回南浦鷺鷗隨浪沒西山風雨過城來多情今夜章江水吹盡殘雲月又開

邊關春晚曲

胡姬隊隊弄胡琴
酒滴醡酥取次斟
花柳旣無鶯燕少
總然春去不關心

蔣人一首

人字公凡一字昭遺嘉興人

梅里詩輯布衣泉石盟心潛躅村僻自署桃花里人

歲除前五日送金子還白下

衰柳未堪折寒梅聊贈行春風知幾日還到石頭城

王巖二首

嚴字築夫寶應人有異香集白田布衣集

靜志居詩話築夫肆力爲古文辭要以酷機勝若惟恐其文之工者頗有類於穆伯長柳仲塗尹師魯石

守道諸家賦詩不多原本杜曲

孫無言之虎墩贈別

又欲歸何處飄零問海涯山前多虎迹世外有人家曠野悲
風動孤舟落日斜誰能臨積水容易臥煙霞

尋春

尋春在何處惆悵落花前淮海仍寒食江山老杜鵑全生惟
縱飲養拙只高眠日落飛飛燕歸巢意可憐

孫爽

一首

爽字子度崇德人有甲申以前詩容菴集

秋懷

疏寮映山帶竹叢怒泉落巒氣集松杉漸知林影薄殘莢泥

輕寒側側護羅幕
結志獨徘徊發憤以著作
愴悼雅云厚冥觀還自樂

蔡仲光

三首

仲光字大微蕭山人

采蓴

鱸魚膾水鄉
惟客動歸腸
一夜秋風起
滿湖蓴菜香
布帆飛
裊裊花嶼
鬱蒼蒼
小摘隨人意
幽棲好不忘

飛星

薄暮愁相向
西風人迹稀
天星大如椀
冉冉渡江飛
海水秋
聽壯吳山夕
望微十年戎馬地
回首一霑衣

題姜廷翰畫

巖高秋氣深臨岸幾茅屋此徑鮮人行何由知路曲

錢肅潤

四首

肅潤字季沐一字礎日無錫人諸生有文徵十峯等

集

感舊集震滄云礎日明諸生甲申後棄去縣令以事
夾其足脛至折墮日笑云夔一足庸何傷遂爲跛足
生自號東林遺老

采蓮曲

采蓮女雙槳蓬江岸吳姬越縠誇眉嫵兩地新妝一色裁玉
釵羅袖姍姍來荷花欲語卻不語誰人解語爭徘徊爭徘徊
弄舟搖碧水水中驚起雙鴛鴦作浪迴風飛不止

過平原懷平原君

人生莫結客結客須及千與百千人百人縱美好亦有猪聾
與跛蹇自來傾士推田文滿堂食客何紛紛同時肝膽更誰
向共說應向平原君此行正在平原里御憐未見佳公子衣
冠零落野草中土田委棄荒煙裏齊之封疆趙食邑昔年結
客如雲集當今蹙者是何人公子在焉呼或出

客從冀東來述陳言夏近況賦詩嘆之

販樵鬻薪出江邊十里桃花五里煙唐市湖林常一過兒童
爭道孝廉船

過汨羅追和韓昌黎

湖水遙通江水波南流爲汨北爲羅舟行不識懷沙處相向
何方唱九歌

丁之賢

三首

之賢字德輿漳浦人

何梅綏安二布衣詩明崇禎中流寇起西北德輿策入都門客南司空卿第欲獻書闕下言兵事會司空龍官歸秦中挾德輿與俱書不果上德輿請司空厚爲資裝賈十日糧短衣疋馬循賀蘭山出長城訪求古戰陣營壘日與朔方豪傑畫沙聚米爲擣賊巢計謀甫合而李自成陷西安破潼關明社遂亡德輿念家有老母脫身南下有王將軍者建牙汀州聞德輿名招致幕下贈以一婢小字海蠻未幾王將軍別調去德輿偕海蠻歸窮老無所聊賴僦屋城東桃花溪上客至樵蘇不爨清談而已子猶及見其白髮彌簪光煥爲之書其碑曰詩人丁布衣之墓德輿在秦時所刻詩止百餘首里居家貧不能具紙筆所爲詩多草書厯日背上字漫漶不可識認子以意繹之統爲鈔撮令朱布衣詩刻之爲綏安兩布衣集平沙含月迥遠火雜星明河流當晉曲山勢出秦平七言若滙關東抱成金陡礪水西來作御溝皆清峭榕城詩話之賢詩五言若林谿秋摧葉江喧夜聚航

刻露

淮安署中和別李以理司理

戀戀惜明發其如游子何天涯纔挂席海內尙橫戈江轉鄉
思近春歸別恨多懸知孤館夢帶月繞淮河

夏夜滸墅關送張鍾石歸燕沈季聯歸越

越國南連海幽州北到天挂帆梅雨過驅馬火雲懸
戀別還謀夜相逢未卜年卻教羈雁羨俱向故鄉旋

留郎曲

向曉候天色江雲罩日紅囁郎休解綯亭午石尤風

朱國漢

七首

國漢字爲章澧浦人

榕城詩話朱爲章晚號獨醒居士少孤事母以孝聞
崇禎甲申變聞狂走登故越王臺址北向號慟累日夜不休悉焚棄其素業託於賈人以自晦厯吳越涉荆豫往來燕趙齊魯郊與僮僕傭會共甘苦所至遇古忠臣名賢祠廟墟墓掬石泉摘山花俯伏拜奠歌詩憑弔有騷人之遺意五言若烽火夷陵道冰霜息壤城緣蒲舍客飯紅葉女郎樵鋤芝沿鹿去拾橡伴狙歸無倩漳水清何極垂死奸雄意可憐烟霞滅沒三山外江海蒼茫一氣中皆極鍛鍊

田接綏安二布衣爲章爲勝

感懷雜詩

生嫌雞蟲爭死信薦蟻食薦蟻何親疏雞蟲互失得乾餱成愆尤耰鋤有德色鼎鼎百年內偏次復偏次買山山不深擇林林可卽側身望冥冥羨彼飛鴻翼

旅宿杭川

唧唧復唧唧床頭蟋蟀吟關山孤枕夢滿壘百年心不雨暮

寒薄微霜秋氣深更聞明月下力盡擣衣砧

丙辰楚中旅懷

故國飛鴻絕關河仗劍行秋風吹塞馬殺氣凜嚴城嶺微猶
擐甲衡湘未洗兵紛紛傳卜式已拜漢公卿

獅子菴茶話

疏鐘散林樾秋意滿禪關龍象諸天幻茶瓜半日閒生天須
是慧作佛不妨頑坐久涼飆起歸禽自往還

吳城登望湖亭

金鏡回首夕陽邊客裏年光感逝川千里晝來湖口縣片帆
人上秣陵船長風捲浪花如雪極浦連天草似煙何處笙歌
江水沸令公祠下響神絃

皖城

新開幕府控嚴關南北舟車判此間落日淒涼余闕墓浮雲
斷續皖公山蕭蕭木葉吹難定渺渺秋鴻去不還江上幾年
銷戰伐石苔堤草自斑斑

武林懷古

趙家宮殿莽寒煙鎖海樓空夕照邊石鏡雲橫州十四水犀
潮落弩三千疏鐘細雨湖頭寺短槳輕橈閘口船欲向孤山
尋處士梅花香雪落紛然

徐晟二首

晟字頑起一字損之長洲人諸生有陶菴詩刪

靜志居詩話頑起交情真摯相處無華雖以陶菴自稱不盡規撫栗里

除夜寄家舅客鸕水

草草摧殘臘沈沈接早春
屠蘇今夕酒客夢各鄉人望斷吳江樹
身疑谷口津隔年風物好別見柳條新

送友之越

月照吳江冷春從越地開孤雲一雁不匹馬萬峯來意氣銷
兵革英雄半草萊異鄉朋舊好不放故人丕

陳三島

二首

三島字鶴客長洲人有雪圃遺稿

靜志居詩話鶴客志士所居蓬戶席門而求友若不及中懷孤憤恒露于眉宇之間其詩華整之中間以清商變徵之調惜乎早逝未盡其才

送友人之楚

此去巴陵路秋風傳鼓鼙長江舟上下落日鳥東西野狹
人面山雲信馬蹏祖生長自往旅夜聽鳴雞

贈朱錫鬯

採蘂吳門市逢君已暮秋涼風吹錦纓明月照芳洲
叢桂王孫樹幽蘭帝子邱小山如可賦紉佩共淹留

盛斯唐

二首

斯唐字集陶桐城人僑寓金陵

金陵詩徵集陶居金陵十廟西門毀垣敗屋蓬蒿滿徑與林古度唱和晚以目眚屏居不干一人

落葉

空齋樹晚儘風乾搖曳聲頻不忍看斷柳枯桐無意繕清笳
夜月總荒殘吳江信是裁詩冷南浦其如送別難一自青楓

獨玉露巫山巫峽至今寒

懷林茂之

幾度思君輒賦詩羽飄鱗鱗每差池舊栽柳色曾無恙新買
帆風未有期千里夢回秋雨細一燈愁擁夜涼遲病中添病
入無那老眼闌知應淚垂

譚雅一首

雅字岑止茶陵州人

沅湘耆舊集岑止早歲常從瞿稼軒先生軍亦殷承
也劉杜三間譚岑止又移寓石盤山卻寄詩有舉家
真耐白雲寒之句可以想其風味也

海上立秋

匡山往事易驚秋忍對西風賦壯遊擁畝田橫猶伏島依人

王榮且登樓飄零家國生何益葬浪乾坤死便休盡說窮愁
詩易好憇無好句答窮愁

方祖兆一首

祖兆字昌祚莆田人諸生

蘭陔詩話昌祚工書法亞於宋比玉

宮詞

紈扇已經秋紅顏欲銷歇夜深下玉階獨拜梧桐月

王萬祺一首

萬祺字日華一字質甫上元人貢生有香醉山房存

稿

新亭

話到新亭不忍登六朝遺夢剩孤僧永嘉人物知餘幾依舊
江光一片澄

楊炤一首

炤字明遠先世清江人移居長洲處士補子有懷古
堂詩五十卷

有學集明遠高才盛年遁迹自引疏布不厭妻子凍
餒長篇短詠矢詩遂歌響振林木
徐柯之父交上元頤與治高淳邢孟貞嘆異之甲申乙
酉之際潛夫歸鄧尉山爲終隱計肆力於詩規模少
陵字補句比不失尺寸故其所得真率渾成絕去雕
飾虞山錢宗伯放善其父古農見潛夫詩益喜且高
其志爲序而刻之有魯兩生漢四老之目虞山沒叟
東吳司成王奉常亦稱焉而尤爲南都耆老益都孫
寶侗來陽宋琬所激賞潛夫專席少陵爲詩史之學
五十年中市潮改易陵谷變遷寓其感清皆於詩乎
發之至二千餘首都爲五十卷有爲之言爲多

靜志居詩話明遠詩評者北之雪山醍醐吾嫌其太滑

田按明遠父子偕隱陸墓邢石臼贈曰補詩云尙憶
南徐別春風五六年生涯牛口下衰齒雁行先羨爾
移耕具將家稅野田相過憑一葉已到鹿門前又酬
明遠詩云亦是衡門士寸心有所期郊扉常獨掩樂
與州府辭可以想其高致

寄徐昭法

卜宅聞君在上沙共言此地最清嘉山田秋斂家藏米園戶
春深人採茶杯蠟綠時浮竹葉樹雞黃處落松花逃名鹿豕
爲羣久過客休題高士家

車以遵

二首

以遵字孝思一字孝則邵陽人參議大任子諸生有
聲香閣草高霞堂正續集

陶汝鼐

穎玉堂集

李思生於閩長於吳越老於楚南

三
其文與人俱翩翩有凌雲氣

楚風高霞

居士著述甚富早年與鍾譚齊名屢經

辟舉不就亦玩世逸民也

田按孝思楚人知有鍾譚而已古詩亦有真氣

日復一日行

一日復一日牽絲不盈疋三萬六千場眼見有時畢蒼海爲桑田此度已非一老子念孫子孫子復見憶古之大聖賢各自有苗裔叶及乎千百年莫知所自出朝兮如是朝夕兮如是夕此日未足多此日已可惜勞勞百年心宛轉爲誰役

蔣之翹

三首

之翹字楚辭秀水布衣

靜志居詩話楚辭輯檇李詩乘四十卷搜錄鄉黨先正詩無遺兼能備舉軼事使聽者忘倦晚年無子書

籍散佚無餘詩乘亦亡可嘆也

始春日送陸韋公之淮西

乍逢旋別正初春冷落梅花解笑人千里江關謀食計十年
烽火苦吟身交當歧路尤堪重文至窮時自有神漫爾離尊
何所指黃雲甲馬故酸辛

詠陸鉅故居

感慨黃公壚況從聞笛處羈魂渺難招日墮淮西樹

忠孝堂

有序

南宋有陶姓將仕郎扈從南來卜居於王江涇三世矣宋末嘗輸粟集鄉兵禦元宋亡戒子孫無得仕作忠孝堂以見志藝菊千本五色粲然自號菊隱

錢塘王氣已銷沈草野猶存報國心不負柴桑老孫子冷香
秋色一堂深

路澤農

一首

澤農字吾徵一字安卿曲周人

遊西山

削壁懸空外孤筇入斷雲峯垂紅樹接石亂碧流分衰足行
多歇天風定亦聞幾時攜素侶終日坐秋雲

程奎

一首

奎徽州人

卽事

歌舞叢中度歲華一朝忽去抱琵琶前身定是烏衣燕不入

王家入謝家

靜志居詩話崇禎癸未湖廣巡撫宋一鵠敗家屬沒官有妾金陵陳氏以色藝聞門客王屋聘焉謝參政上選先期娶之至因作詩嘲笑一時爭傳誦云

屠炳一首

炳字閻伯嘉興人諸生有大經堂集

靜志居詩話閻伯言無枝葉行有規矩詩亦雅正不以風華見長
梅里詩輯閻伯鼎革後絕意進取張考夫題其所居云霍原六聘山焦先三韶洞漁子定迷津遮莫桃花種高致可想

過嚴先生祠

江水日夜流揚舲漸迴遠丹扉阻層巒高墳隱深阪灌木繁
行雲凝睇何縹緲抗手發長謡夷鳴見遺範策吾鹽車足豈

嗟年歲晚

李麟友

一首

麟友字振公一字于苑嘉興布衣有醒齋詩草

春暮有懷朱十彝尊客越

飛花三月暮春色滿江關芳草天涯路王孫去不還

李生乾

一首

生乾字梓甫鄞人

送朱廣文

夙有蘭蓀契仍同汗漫遊相看俱短髮不繁是孤舟道直傷如砥途窮只敝裘莫須悲去住吾道在渝洲

楊運吉

一首

連吉字纂征卽墨人諸生有悠然廬集

村居

寂寂山村僻居鄰不數家柴門終日閉生事任年華細雨滋
秋草緒風開野花邇來從吾憇常是對煙霞

徐篤一首

篤字行之曹州人諸生有墨莊詩草

春日懷邱子星

把酒不成醉物華空眼前向來同意氣別去廢詩篇芳杜愁
無賴垂楊春可憐美人竟何許望斷楚雲天

葉有馨

一首

有馨字子聞吳人有咸悅堂集

登靈巖山

吳王宮館空山西施洞口春草綠昔日雕闌凭翠娥今日招提散金粟古藤離纏覆井床轆轤素綆動寒光山前一片五湖水琉璃萬頃空蒼茫點點羣峰噴白霧隱隱漁舟問煙樹青楓碧柳越來溪平沙欹石鴟夷墓江南二月花如茵江南三月花撲人嬌歌艤舞可長樂吳王宮館無黃塵

何蔚文一首

蔚文字釋元浪寫入

田按釋元有句云夕陽僧影淡一笑菊花秋饒有別趣

偶爾

偶爾看秋色茶鑄借石支吟詩翻白俗學畫愛黃癡南畝禾

將刈東籬菊弄姿何妨留雅客是我不窮時

徐濟忠

一首

濟忠字良夫又字子公常熟人有綴閒集

田按子公馮蒼已師也有碧戶二十八韻輕藍之作
已導二馮先路

聽吳澹如歌

避暑當清夜邀歌宴上才美人殊自愛坐客敢頻催發口芳蘭襲滿天涼露來簫聲追不得餘韻月徘徊

何大成

一首

大成字君立晚自稱慈公常熟人

寒雨

檐溜似人語催愁攬夢魂村雞囉不曙野火燎仍昏有病欺

貧老無家活子孫明晨羞攬鏡有雪入鬢根

邵濂二首

濂字茂齊一字齊周常熟人諸生

養疴

造物藏吾拙山林合養疴依雲攤枕席過雨坐松蘿自識三
心淨無妨八苦多蕭然方丈室應似老維摩

梳髮

髮白真堪惜蕭蕭可奈何西風吹病樹殘葉苦無多

陸來三首

來字陶孺吳人

題招隱園賦贈席獻臣朝宗昆季

傍岩倚樹結檐楹憑仗高人得隱名最喜風流承內史圓爲王中翰延陵
所構卻防徵召出承明短垣常放青山入曲櫺頻留野鷁行竹戶松關行徑絕壁猿攜石置碁枰

半塘樓小飲

酒旆高懸七里隄登樓頻喚酒家奚燕知社日歸來早花爲春寒不放齊佳節屢過人漸老名山相對日初西人生那得常如此莫惜樽前醉似泥

玄妙觀贈陶鍊師

杖藜何處覓仙桃玉洞飛花近市橋絳簡書傳開石室步虛聲響接雲簪香生寶鼎丹初轉名列蓬臺路不遙讀罷黃庭佳客至星壇可使挂詩瓢

明詩紀事

貴陽陳田輯



華淑

二首

淑字聞修無錫人

列朝詩集聞修讀書惠山之下肆力古學取古人詩與本朝作者下上揚扢其詩以清新深婉爲宗雖問津於時人而能不墮其鬼趣嘗自敘其詩曰吾不取一時之好冀千百年後有一人知我千百帙中存其一帙千百篇中存其一篇而吾二十餘年心血或藉此一帙一篇以傳噫聞修已矣其所謂一帙一篇者庶其在乎

草堂心甫聽雲晚過斷園次心甫韻

殘暉如月尚招尋同侶夷猶興易澁荒徑但容逋客往開門

一任綠煙深流鶯入竹移雙影鄰樹過牆落半陰剩有微情
委空觀共君吟眺亦無心

隄月聽蘇姬樓上理曲

高樓銀燭夜歡殘一曲琵琶月下彈拍遍閨聲人莫會自將
紅袖障春寒

陳鴻五首

鴻字叔度侯官人有秋室篇

書影侯官陳叔度家貧無人物色之曹能始石倉園
在洪塘中有森閣集諸同人爲詩叔度有一山在水
次終日有泉聲句能始嘆賞爲之延譽因卽以石倉
爲居停名其詩曰秋室篇取李長吉秋室之中無俗
聲也丙戌之變能始殉節叔度年七十二不能存
以貧病死無子不能葬戊子子入蜀時客以其詩來
予悲其蒿露請客曰子任其葬子任其詩曰助以金
燒諸生徐存永董其事先是莆田布衣趙十五名璧

亦工詩善畫竹不竹閨人珍之然性孤僻不多爲人作惟山房寺壁則淋漓潑墨與叔度先後死亦不能葬有永因題十五之棺與叔度合葬於小西湖之側予爲書碑曰明詩人陳叔度趙十五合墓客刻叔度集子爲之序板式精好傳之南中莫不知閩有陳叔度矣十五不多爲詩無傳者

十五國風高言集田翁淵曰叔度詩神理既清丰神復秀記貞心於研貌隱摯念於尙言董倉水曰叔度詩清思泉湧麗句綺合風調流利蘊藉有餘

燒香詞

玉爐桂火微不煖雲母屏閒月華滿永夜銀床怨合歡襯羅
起踏秋空寒珠簾半捲桐陰綠卻恨明璫聲斷續心事悠悠
寶鷗知涼風綉帶輕相吹

九日懷興公

遠別又重陽依依劍水長客魂消此日秋色過他鄉野店寒

多雨山城夜欲霜一樽花下酒誰對紫萸香

聽泉閣

風露臨虛閣應涵秋氣清一山在水次終日有泉聲響逐僧鐘落寒隨客枕生中宵滿欄月都作玉琴鳴

衰柳

依依芳質怨年華御憶深藏小小家委地誰憐嚦露葉隔江偏妬拒霜花淒涼舊巷空嘶馬燕落長隄尙聚鴉不似漢宮寒食候東風輕送萬條斜

淮陰旅懷

一帶淮聲繞郭流黃昏人上水邊樓經時尺素稀閨匱此夜孤燈隔楚州楊柳已凋絳綰恨蘿蕪雖死亦關愁客心處處

驚搖落古壁西風蟋蟀秋

王彥泓

二首

彥泓字次回金壇人以歲貢爲華亭訓導有疑雨集

列朝詩集次回恭簡公樵諸孫博學好古詩多豔體格調似韓致光

靜志居詩話風懷之作段柯古紅樓集不可得見矣存者王溪生最擅場韓冬郎次之由其緘情不露用事豔逸造詣新柔所以擅絕也後之爲此體者言之惟恐不盡詩焉得工故必琴瑟鐘鼓之樂少而寤寐反側之情多然後可以追韓軼李金沙王次回結撰深得唐人遺意誦之感心嫋目迴腸蕩氣

田按錄詩不廢柔中可以爲戒也後之爲豔詩者幾於勸矣余錄次回詩以備一格嘗鼎者知一鶯足矣

爐節江邊讌集

喚得秋娘渡口船竹西歌吹傍江煙散斜帽影調鶯夜清脆
鈴聲放鵠天香餅煖烘桃葉袖墨花狂污薛濤箋青舟莫負

開爐節繡被濃薰一夕眠

對花雜慟

瓊香一片委輕埃猶憶春時傍砌開腸斷江南陳叔寶麗華
身後卻歸來

張維二首

維字叔維常熟人

懷舊集叔維習畫善吹洞簫度南曲極要眇之致爲人孤介少不苟意輒傲然獨往遺詩落落清泚如其人

吳江道中

荒村烟白遠連天依約人家葦荻邊忽聽榜歌何處發前溪
深柳出漁船

訪萍踪師卽事

石轉溪迴澗幾重門前一徑度深松老僧獨立斜陽裏閒撥

藤花認鶴蹤

何述舉一首

述舉字公邁常熟人

懷舊集何君公邁娶於秦名淑季公之孫女也君之王父名鎬與季公俱讀書善草隸故夫婦俱知書君亦善八分秦燭雅婉麗夫婦有秦徐之好家蓄古鏡可愛玩君與婦嘗指鏡爲誓約同生死王午年邑中大疫君遭應劉之戚秦遂破鏡半貯棺半繫臂裂帛自縊家人持之不得決乃笑曰吾志不負昔若能強我飯乎以遺孤託其夫之兄弟不食十二日而卒臨歿盡毀其贈答諸篇故秦詩不存嗚呼徐媛傷生不載范史劉子玄以爲譏以秦較之烈殆過焉埋沒草野逢此世難表章何年子故識之以俟後世田按秦淑事明史未採已蒼懷舊集亦不甚傳余錄於此集以待後來之編史者

秋原晚望

如何脈脈此心中四望迷離路轉窮曉夢但隨歸燕遠秋思
難寄逝波東愁和烟靄山山紫淚染枝頭葉葉紅想得宵來
眉黛淺莫教纖月度簾櫳

錢孫艾

一首

孫艾字頤仲常熟人處士謙貞子

甲申夏月飲集張氏池亭次伯兄韻

臨水亭臺觸處涼芰荷香裏趁殘陽山川入目都成慘風景
驚心更斷腸瘦骨未堪波影照閒情聊逐酒杯忙不知微曾
還多少珍重銀蟾欲到牆

徐錫祚

二首

錫祚一名于字于王常熟人

列朝詩集于酷愛晚唐宋元詩多所採輯嘗集唐人句爲百絕效李鄭謝綱縮集以悼歌伎王桂好事者猶傳之

春日漫興追和唐伯虎二首

不學尋真不坐禪烏藤白袷且隨緣有時貰酒呼鄰叟排日
尋花買釣船風迹共依塵榻住鶯聲欣傍小窗圓阮生何事
窮途哭但坐茆茨便得仙

少不如人不近名臣今老矣一無能長生敢慕金莖露消渴
甯思玉井冰水榭看花春載妓地爐煨芋夜留僧往年舊侶
崢嶸甚片紙寒暄愧不會

秦徵蘭十二首

徵蘭字楚芳常熟人諸生

靜志居詩話德陵寔錄爲黑頭爰立者所攬天啟四年七年事遂爾遺佚秦秀才宮詞招撫禁庭瑣語頗稱詳核第合而觀之嫌其述客魏居多而事關德陵者寡不無微憾耳

田按楚芳宮詞傳爲陳悰所攬今據詩綜更正

天啟宮詞十二首

寶冠隨獵競相誇雲擁雙龍雉尾斜衆裏閒評誰最稱玉人

含笑看高家

內臣所戴金絲束髮冠舊有此式至當時而加侈焉蟒龍蟠繞下加翠額插雉尾前擗朱纓傍

綴寶玉王體乾輩侍駕間獵多戴之兼衣窄袖戎衣束小玉帶蒼顏豐軀最不雅觀相當者惟高永壽一人而已

秋風拂面獵場開匹馬橫飛去復來玉腕控絃親射殺山呼

未畢厥公回

上獵于寶善門魏忠賢馳馬過御前上惡而射之馬中額立斃羣下叩首呼萬歲忠賢快快稱

病先還印公厥公皆宮中稱忠賢之詞

星君次第列銀光

丹陽記齊高帝造

銀光紙賜王僧虔點將標題當飲章

蔡邕傳注

隱告人姓名無可對口日飲章或有用墨然星名配東林諸人才也及時雨則葉向高也崔呈秀得之名曰點將錄佳紙細書與天鑑錄同付魏忠賢忠賢乘間以達御覽上不解托塔天王爲何語忠賢詳述溪東西移塔事意欲上知東林強暴有如此徒所當翦也上傾聽噴噴若恨不同時者忠賢計阻匿其書逡巡而退

無限春光轉眼空尋思翻欲悔鋪宮花容占斷君前豔推向

雕檐細雨中張裕妃被寵客魏嫉之既而有娠鉤宮脣冊妃禮而過期不育二奸遂力諳於上盡逐侍從閉妃空宮屏去水火者數日妃餓甚剗勦雨中伏地啞雷水斗許未及上階而卒

萬幾餘晷建長廊聖主經營食不遑粉牋未乾宣十作庀材

重築蹴圓堂

聖性好營建迴廊曲室皆手操斧鋸爲之然喜厭不恒成而毀毀而復成以是累歲卒未竣功

宮中舊有蹴圓亭上又手造蹴圓堂五間高永壽好蹴圓跑故怨謠造堂以習此戲十作內官監所轄以給宮中營建之

材料者

異卉傳來自粵中內官宣索種離宮春風香豔知多少一樹

番蘭分外紅

當時都下植異種花草相傳自兩廣藥材中混至內臣好事者遍栽於聖駕常幸之處有蝴蝶

菊紅水仙番蘭柿等名番蘭紅花碧葉上愛而玩之移供案間或云卽美人蕉

貼裏三瓣夾裏花中官應節鬪豪華因逢廟忌更青素瑟瑟

波紋襯海霞

紅蟒貼裏貴近臣內衣也諸權璫皆衣之色之淺深隨時異宜又於鄒闈下加一闊名曰三闊

又初爲雙袞綢蟒衣兩袖各加一蟒舊制遇大忌辰及修省中官衣青素桃廟忌辰衣青綠花樣所謂青素者夏則屯絹冬則元色紝也當時用天青竹綠花紗羅當青素襯海天霞色淺紅裏衣內外掩映望之如波紋不理焉

封事連章奏至尊宮前暫罷選龍孫

青海之外馬多角羊斑龍種名日龍孫

鹿分收過子騎雲屯北上門

內官有陞騎馬者凡遇慶典人進馬一匹駕御乾清宮門覽畢

付御馬監本官給賞馬不堪用該監不收換補大內官賞過祿米者亦於是日進一羊一鹿鹿必大白斑羊必四角六角

鹿付南海子羊付牲口房此舊例也。魏忠賢因各邊缺馬，
陞騎馬數百人，每歲進十餘次，每次千餘匹。臨期忠賢不復
奏聞，竟自至北上門，盛服危坐。按職名，牽馬魚貫而進，不堪
用者重加責處。於是馬價倍昔。

玉兔迎霜秋宴開，花城侍宴暫徘徊。
蕙蘭香細鶯聲軟，報到

高家小姐來

重陽前後內官設宴相邀，謂之迎霜宴。席間食

兔謂之迎霜兔。好事者統屋列菊花數十餘盆。
後者軒前者軒望之若山坡五色燐爛無隙，名曰花城。御前

牌子高永青年未弱冠，丹脣鮮眸，皎好若處子。宮中稱高小姐，宴飲之際，高或不與合座，爲之不歡。

坤甯花落砌，痕斑書卷爐。香伴玉顏鏡，裏尋思燈伴語。
承恩端不爲幽閒，
張后既失寵，絕不露怨望之色，惟以文史自娛。

或清座絮絮獨語。

畫裏明妃絕代無琵琶，千騎擁雲茶。君王不愛傾城色，只看
綈綈揭益圖。
李伯時畫昭君出塞八幅，趙子昂畫鬼子母揭益圖，皆累朝珍藏舊物也。兩種並陳，上恆棄此，取彼聖性，樂觀險怪之狀，而厭近窮窕略，見於此。

分明角勝厭棋枰井字闌邊鬪棹城十五燕姬偏慧點雙拋

常占上中營

神廟中葉御意初爲棹成之戲用色羅方幅繡井字界作九營中一營爲上營四方四營爲中營四角四營爲下營命宮人持銀錢或小銀匙擲之落上營賞銀九兩中營六兩下營三兩落營外或落井字上罰如中營所賞之數雙擲賞罰皆倍由是諸宮爭效之至戊午邊事大壞說者謂棹城者瞭城也殆先徵云天啟時猶沿之烈皇帝登極禁止

林雲鳳

二首

雲鳳字若撫長洲人

書影吳門林若撫老而工詩滄桑後隱影田間雖甚貧不一謁顯貴庚午秋吳眾香開星社於高座寺時社惟子與餘姚黃太冲桐城吳子遠年皆十九若撫賦詩贈予輩日白社初開士景從同年同調更難逢誰家得種三珠樹老我如登羣玉峯書寄西池非匹烏牕分東漢有全龍慈恩他日題名處十九人中肯見客

靜志居詩話若撫當鍾譚饒張之日守正不同詩篇

極其繁富惜知者寥寥困阨終老相如遺草已不可
問矣

暮秋同姜如須林衡者顧茂倫登虎邱

虎邱名勝虎谿同載酒重來問遠公草木正逢黃落後樓臺
多在翠微中池深暗受三秋雨塔迴虛含萬里風此日登臨
須盡醉莫教搔首嘆飛蓬

送春

香隨燕子入春泥忍向尊前唱大隄暗水尙流花徑曲斜陽
不盡草亭西鳥如惜別聲偏澀山亦含鼙黛欲低老我將歸
仍戀戀醉中得句醉中題

王邦畿

三首

邦畿字說作番禺人貢生有耳鳴集

有學集王君詩學殖富意匠深雲浮朏流殆將別出
於諸君子之間

徧行堂集說作詩諸體皆工其五七言律貞足奪王
孟之席

漁洋詩話東粵詩自屈梁程陳之外又有王說作王
震生陳喬生伍鐵山數人皆有可傳說作句如雲低
滄海樹潮上夕陽城曙色寒山外秋風古渡前殊近
錢劉又有絕句云昨冬歸去今春信言是端陽入楚
山吟取荊州舊時事洞庭秋盡客應還

留別

落日荒郊遠高天古渡寒未潮先候信有酒且同歡水白漁
燈溼霜黃海氣乾鄉心與朋好去住兩情難

出門

昨日方還里今朝又出門飢寒能迫我辛苦復何言疲馬剝
陽路深煙遠樹村不勞人重問芳草識王孫

江城三月曲

江天漠漠雁鴻飛草色青青夢葉稀猶憶溪邊舊時節杏花

三月鯉魚肥

薛始亨

二首

始亨字剛生廣州順德人諸生有南枝堂集

廣東詩粹剛生博學好奇節遭亂匿迹山林自號二樵山人

詠懷

促織助貧女方寒憂授衣杼軸有時歇中宵鳴更悲借問裁縫成爾甯預寸絲含緯恤宗周嘗聞有婦嫠賦性各有異何必俱懷私

晚出尋梁海曲

江上初有月獨行尋故人蟲聲出露草漁火隔煙津門有歸農過家爲廢圃鄰夫君顏色好長嘯倚松筠

吳淹

一首

淹字德亨歙人

田雀

黍田早歸來卑棲在荆棘莫啄秋紅子留作寒冬食

吳濬

三首

濡字德裕歙人

題畫三首

雨晴春又晚纔試踏青鞋野碓雲春石山溪水放簰歲豐饒地利城遠少官差彷彿武陵境桃花放兩涯

楊花如雪落風色轉南薰野店雲埋徑山寂謾門晚行嫌虎迹倦憩喜禽言驛舍曾經題詩壁尚存

草堂新卜築渾似杜陵莊溪洞秋無雨林蘂夜有霜杖藜隨鶴步坐石看雲翔心迹天遊契風清兩鬢霜

劉元祥

一首

元祥字瑞圃丹陽人國子生有詩集

春日遊惠山

招隄萬松裏春日此幽探雲氣流孤鑿湖光帶寒風僧從花底出禪向靜中參醉倚紅亭望漁歌落暮潭

劉永滋

一首

永滋字潤之寶應人

過吳曰南故宅

南華山人去不回茅龍誰復翦蒿萊卻金亭上青青草二月
春風燕子來

楊誌一首

誌字石甫當陽人諸生

遊玉泉寺

鐘磬門初啟松蘿道半遮泉清堪洗耳地勝欲移家客指南
朝鼎僧傳乳鉢茶未須求證果生滅在聞鴉

王璁一首

璁字崇樸黃巖人有一笑軒稿

毘陵驛

三冬雨絕河水乾
毘陵驛前舟可憐
越客琴書懷遠道
吳門冰雪傍殘年
幾家砧杵寒城外
何處漁歌夕照邊
濁酒可沽須盡醉
旅愁今夜正紛然

周書一首

書字一中臨海人

答裴慕山

雨過邱園花事稀
深春猶自滯歸期
秋風匹馬兩年別
清夜月明千里思
芳草欲迷南浦路
白雲旋長北山薇
盛朝公論應長在
不信高才尙忤時

楊靜一首

靜字定夫常熟人知縣彝子

田按定夫年二十二而卒能詩文父葬將之令都昌
以定夫歿罷往踰年都昌陷顧麟士有詩云罷令人
猶歎未行旋聞賊已陷孤城臣忠敢不爲君死子天
方知代父生一至餘魂間涕淚萬邦多難望昇平由
來倚伏皆無定豈但應寬舐犢情定夫有遠謙嘗曰
邊鄙日蹙國勢日危社稷已爲虛器而儒生猶持千
祿之文日盼敬之至於時政兵謀一切不省一旦賊
人渡河士無還鋒城無堅壘將與造化者遊於無何
有之鄉君父且不可得而況名與富貴乎定夫死之
三年乃當甲申卒一一如其言云

懷人

閒來託思在天涯落落河山重可嗟留客未懸徐孺榻憂時
終望茫茫車寒雲晚送機峰翠春雨晨催薄徑花四海只今
戎馬隔故人才筆自風華

程梧

一首

梧字來鳳休甯人

莊居初夏

山庭寂寂竹籬短
榴花枳花相映開
低枝巢鳥人不取
日日將籬自去來

程廷橈

一首

廷橈字用達休甯人

閨情

落花時節雨霏微
翦羽輕寒透縠衣
燕子不知離別恨
雙雙常遙繡簾飛

程九皋

二首

九皋字子方休甯人有潭西樓稿

橫山北築

幾入山中去幽偏好避名谷空曠鳥寂風靜落花輕一水斜
通澗千峰曲抱城應忘去與住世事不關情

山居吟

青嶂高不極白雲深更深穿蘿堪補屋種樹已成林午夢鳥
能喚秋懷蛩解吟此中有真趣誰識出塵心

錢秉鐸一首

秉鐸字幼安桐城人

山中看桂喜友人見過時舍弟滯嶺外

山中無故友叢桂足相知人老兵戈裏花殘杯酒時淮南消息
好嶺外雁鴻稀明月猶堪賞遠期一扣扉

齊程一首

程初名維程字子安更名後改字遜元桐城人

望南畿

鐘陵淮水海門通吳楚煙波一望中鐵鎖夜銷寒浸月戈船
朝駛浪迴風榔櫓戰士歌江北刺繡明姝怨大東漢使節符
曾不至逍遙河上立奇功

方穀

一首

穀字子桓桐城人諸生

白帝子歌

四維茫茫渺難極載方舟兮沿水入神女璇宮當夜纖倚瑟
鳴絃聲清歷知音娛樂恣歡翕遊放滄淵何所息

明詩紀事

貴陽陳田輯

王鑑

吳用鉉一首

用鉉字士衡桐城人以蔭除內閣中書

金陵懷古

一曲歌殘王氣銷
臨春春盡草蕭蕭
軍書床下面仍閉
鐵騎城中繁已調
玉鑾驛驚歸北國
美人猶自說南朝
賞心亭畔孤魂在
寒雨淒風自寂寥

彭堯諭一首

堯諭字君宣夏邑人官南昌通判有西園公子集

書影彭堯諭余鄉夏邑人王爲詩多讀書有氣調常遊京師遇竟陵鍾惺與談不合奮拳毆之可一笑也

鏤金老人行

鏤金匠作口無食泣向街頭賣弱息自言少時侍先皇金珠
日費千萬億宮內大璫貢獻多盤龍結鳳人巧極通明鱗甲
儼生成飛動天吳絕雕刻製成獻入未央宮未必至尊迴顏
色當時酬價比黃金眼前顧盼生羽翼今上御極聖且仁諸
璫歛手皆潛匿我輩技窮饑欲死奇珍不獻君王側老人賣
兒將買鹽明日城南親稼穡我聞此語感聖恩不將翫好窮
民力黃金土賤埋人間此老力耕計良得

鄧祥麟

一首

祥麟字玉書一字子與武岡州人一作新甯人官岷府長

史

一作官審理

沅相耆舊集玉書工詩善畫書法絕類結廬新甯之石田鶴峰山下時釋一念以上元將家子祝髮南岳寓新甯獅蹲閣玉書與爲方外交一念死哭以詩并編其集

輓一念和尙

相逢廿載不言家頗道鄉園近雨花老向金城常賣藥閒依
石鼎獨烹茶窗櫺尙放江光入几榻猶邀竹影遮滿室香燈
歸幻寂春風一塔繞囀鴉

陳濟生一首

濟生字皇士長洲人祭酒仁錫子官太僕寺丞

三國識略吳門陳濟生陳公仁錫之子也懷宗殺年
曾刊段祺詩選序吳相國甡所作中有二祖列宗語
奸人沈天甫呂中夏獻奇以爲奇禍挾詩索多金不
遂令僕葉大出首刻造逆書詆誣本朝詩冊列名

七百餘人宜遣官提訊旋奉上傳天朝等所指事

絕無憑據編詩之陳濟生久經物故帶詩之施明又

經逃遁顯係奸徒枉扶挾詐俱斬東市是舉也一則解文字之禍一以杜告訐之門眾共快之贊奇我郡明經不知何苦而爲此也

靜志居詩話皇士經亂歸田緝啟楨兩朝遺詩又命工傳寫明三百年來忠臣義士像裝以爲冊可稱好事矣惜其詩鏤板未終而像亦爲蠹魚所蝕覽觀者借焉

遊仙詩

枕上廬山枕下江經年高臥碧淙淙黃羊叱起成千隊青鳥飛來更一雙鬢鬟真仙能送酒玲瓏玉女解開窗只嫌李白多豪氣一點雄心未肯降

劉昌運

一首

昌運字明卿如皋人貢生除甯國教授有味古堂集

渡江

舟下江流急望中日已斜入雲惟鳥道傍水少人家隱見看
山色浮沈逐浪花片帆吳地近到岸卽天涯

黃翼聖

四首

翼聖字子羽太倉州人以薦授新都知縣遷安吉知
州有蓮蕊居士詩選

有學集子羽爲人孝友順祥自牧若處女居官難
耆事以廉辦聞晚而修香光之業爲詩清新有雅思
序而定之者徐元歎也

壽家奉倩初度二首

看看竹馬事嬉遊此日樽前共白頭兄健轉嫌增弟老國亡
何忍爲家謀譜成節烈平生事賣剩田園數畝秋一任時人

笑癡絕五更頻夢復神州

吟聳雙肩骨帶仙亂離贏得一身全郊增新鬼多吾友籍入遺民亦信天蕭散別裁方外服團團常說在家禪不須更覓長生訣學得饑飧與困眠

和范石湖田園雜興

谿鳥谿雲莫浪猜更無名利到胸懷倦腰每仗藤扶起還恨當年五斗來

暮雪如筵雨半兼石坡荒澹竹簾纖小窗自愛雲林畫冷逼匡床不下簾

閔知願

一首

知恩江甯人桂王時官待詔

天涯

天涯萬里病如僧
瘦舞蠻歌醉未能
獨向點蒼山上望浮雲
何處是金陵

談亮

一首

亮字晉若富順人桂王時授義甯知縣遷麻哈知州
入國朝削髮爲僧居遵義臺山寺有賣閒愁錄

書憑瞻將軍遺事後

銅鑼木棓荷神船奔走離奇過四年一片御衣歸不得孤臣
何處哭殘天

陳啟相平水集黎維祚字名遠江津人幼不肯竟學
惟卜算形家是耽遺亂轉徙家遵義會永歷狩納時
諸爵鎮將各擁眾拒守維祚憤惋號泣徧走告以大
義皆折衷各密草迎變奏付達維祚乃令諸奏密未

棓三尺許藏其中用荷蓀鎗等物挾持以行時庚子正月二十二日也至辛丑九月十八日抵孟良府說晉藩李定國晉藩色動維祚破棓出諸奏相示晉藩義之十月六日給以令諭一道轉奏時駕在阿瓦城城左右夾河洪波浩渺相距五六日程祇聲息通主臣不得見隨奉勅云皇帝密勅瀝瀝將軍黎維祚據晉藩奏爾忠肝貫日義膽渾身穿虎豹趨宸極烈風勁草殊乾肤懷茲授爾瀝膽將軍督理滇黔楚蜀偏勵諸助將士山林隱逸等謹慎固防枕戈以俟俟晉藩兩藩舉師四路策應旦夕是圖勿遲勿忽十月十五日拜受訖並收空旨百道印三顆造複底小舟密藏之木刊諸神像擎小錚鐸肩唱以行晉藩大喜以旌甲擁至近界始改裝反報諸營冬十一月復入綱復命北至勝鳴晉藩馳約輩藩白文選共攻阿瓦耳阿瓦本城七重已破其三重曰攸不過欲見乃皇帝耳幾年和好一朝背棄何益姑止攻三日當退出否則我亦有幾計一任汝爲不得已從之閏二日右河分船密如木葉內外夾攻兩藩覆沒幾盡自是兩藩分白散晉徙他夷所輩謀恢復據騰越馬寶與輩素不見告以密謀言吳願與白台白受所縫有艾將軍者滿洲人亦懼約附從相與鎗刀血會上由別道亦

爲續夷逃出居草殿三間白兵環其外吳兵又環之
維祚至艾道入見上見維祚大哭維祚泣曰事今至
此臣維祚急奔告詣營整兵於要道接駕上曰兒子爾
可致意十五家等若能救我出我只願修行去哽咽
不能言手翦御衣一片密寫敕付即行晝夜兼行抵
荆侯營謀共於偏橋接駕復入演偵探駕已崩於王
寅三月矣維祚呼天搶地恨不卽刺刃吳逆之胸猝
狂逝去不知所終

陳啟相一首

啟相字枚庵富順人僞寓遵義貢生桂王時授河南
道御史入國朝削髮爲僧更名聖符號大友居掌
臺山寺自稱掌山老人有平水集

黔詩又著於康熙王寅來遵義隱縣南平水里掌
臺山寺足不越戶者將三十年有時饑寒嘯歌自得
一編一牋蕭然人外

黑雲如甕
簫光寒一盞
醪唇醉不堪
報道蟹肥新釀熟
雨中清夢足江南

明詩紀事

貴陽陳田輯

傅爾元一首

爾元字澹方相梓人崇禎中拔貢有居易堂集

點詩紀略澹方少年英異四川提學錢那邑目爲蜀才第二那邑隱於慶之薄村復召授從之遊居易堂詩涉筆生硬情味消乏而陵陵風骨亦自不足

樹

花發老枝不醜選巢多宿名禽山人根底閒坐綠葉棲煙自

清

王承之

五首

承之字季安華陰人有澗辭十卷

東陰商集玉子詩凡夫纖音淫曼之詞刻薄苟弱之格皆其所荷役而逐之者

田按季安詩音調渾雅具有唐格關中詩人之秀

姑蘇懷古

雲迷雪沒百花洲響屨新糲乍可留館娃煙靄還日夜錦帆
風雨空山邱自來自去月如駛那照吳王與西子萬點殘鴉
春殿飛請君試聽宮前水

七夕

河漢杳無際涼風吹素秋不知辛女恨幾許別離愁明月光
初下寒雲澹欲流人間與天上浩蕩總難酬

同元昌兄尋山贈玄上人

尋幽千仞上獨喜揖高僧吳越經遊遍湖山勝覽曾長松分
妙偈明月澹秋燈暫話浮生罷天風散鬱蒸

家兄僕北歸先寄

一自河橋別鄉園夢裡看天寒爲客苦地僻寄書難遠樹分
行直曉鴟落照殘望中紛意緒憑汝報平安

銅雀臺

寶曆隨流水春風斷綺羅蛾眉今不見鳳輦昔曾過廢苑留
山月深宮半薜蘿西陵松柏樹猶挂暮雲多

侯涵二首

涵初名泓字研德號掌亭嘉定人太學生岐會子諸
生門人私諡貞憲先生有掌亭集

堯峰

文鈔研德受經陶

卷黃先生之門爲陶菴所引

重王師下江南侯氏禍患踵至從弟歸亡命有司

捕繩不獲執研德應命久然後得釋性尤友愛折產

一切多寡肥贊不較字仲兄遺腹子恩勝於已出自

少博覽強記無所不通討論天下大事每豫揣成敗

亦無所不合論討則欲別裁僞體而極之自得以爲

苟自得之師心可也法古可也苟無自得法古非也

師心亦非也於詩絕不苟作或一日數篇或經月不

得一篇所著掌亭集凡若干卷蓋白陶菴而研德

繼之諸儒稱能得師傳者必首推研德云

寄智舍弟

目斷秦庭馬角生冢山雲水各吞聲三年一見無餘話千里
孤筇又獨行未卜相逢空有約莫輕此別遂無情江潮海日
題詩在莫遣紅塵識姓名

春感

江左君臣謔笑同軍烽俄照石頭紅金縢事秘河山改玉樹

歌殘禁苑空九陌已沈青海日六宮猶望錦帆風祇今寒食
鍾陵道石馬何人指鬱葱

顧在觀一首

在觀字觀生松江華亭人諸生

王昶青浦詩傳在觀博覽羣籍教諭楊文曉重其才
命二子授生貞生師之文馳薦置馬士英幕府時寇
盜充斥士英裨將黃得功劉澤清力戰淮澠間常有
克捷而論者抨擊不休上英患之在觀曰公素懷坦
白無所附麗近虧懷帝衆情不免致遙耳大慨抑之
深以爲恨福王初士英入相在觀首以起用老成分
別邪正爲言一時若嘉興徐石麟會稽對宗周長河
徐沂華亭許譽卿夏允彝陳子龍並登啟事而大憾
以名列璫案久爲士林不齒忍訶東林諸人屢立他
藩以一絃盡之誠安遠侯柳昇上疏天預詣士英第
屬以嚴切票擬上英笑不應大憾怒曰東林固葉生
在汝家我固知無能爲也在觀嘗語上英大鑑得志
爲所欲爲此事關公門戶且以告上英子蓋繼叛未深
至於挽鬚抱頸涕泣隨之諸君子得以從容引退未

多奇錄卷三十一
出亦各高卧里門不致起同文黨銅之獄在觀方也

金陵懷古

十年不見石城秋萬事皆隨江水流晉代五龍望往誠謝家
雙燕有新愁千門衰柳懸殘月一劍清霜感敝裘滿目相逢
無限恨那堪重上仲宣樓

蔣易一首

易字前民江都人有石闇集

遺民詩前民與杜濬王猷定友善工五言律詩兼畫

清涼山頂留別于皇

招提上夕陽別酒置崇岡秋老孤帆色人輕百戰場江雲平
楚岸風葉減吳霜來日空回首思君獨渺茫

沈祖孝二首

祖孝初名果字因生一字雪樵烏程人有湖干硯席
當泣陶年吟安下簾等集

靜志居詩話雪樵至性之士詩皆從肺腑流出

白下懷顧茂倫湖上

白下孤筇亦浪遊西湖有客共誰留江山到處聊青眼詩酒
驅人愧白頭弔古何須悲叔寶乘時猶得數錢鏐快陽煙滅
寒潮斷笳鼓年年滿越州

九日同東籬登王老露臺

望裏雙峯夕照懸一泓如鏡見湖天風流者去鷓鴣人後雲物
他鄉轉自憐佳日有臺聊復爾古人無酒亦淒然白頭破帽

垂垂立憶得閑居陶令篇

石可望

七言

可璽字石丈山陽人諸生

養一齊詩話吾鄉石石丈論詩古今之作者不勝于
鄒部北廻則附於公安景陵詩以位置性情探取他
人之性情而私爲已有尚得謂之有廉恥乎昔鍾嵘
司空雲皆作詩品二字都排向外面去石丈說刊無
廉恥上方足爲詩品的解耳

讀曲歌

人皆樂歡笑郎獨無言語非郎無言語窺儂眉未許

立秋前一日偕劉七成諸子飲黃居擬邱中喜春郎度

曲

檐鈴風響亂松聲涼月照人襟袖明冷燭畫屏紅粉意澹雲

河漢故人情
尋陽舊淚弦中落
楚客新愁笛裏生
一夜清歌
催木葉
明朝秋色滿江城

湖居

暮色湖上來遠天東漸小一榻坐林中停目數歸鳥

舞陽令潘若稚同男孟觀死節三首

若稚名宏孟觀名澄淵

舌斷常山落日斜空教明月冷齋衙燕臺六月猶飛雪春到
河陽不敢花

司農有印佩軍門
城社雖墟氣已吞
到處血腥迷夜火
萬家風雨哭黃昏

雪埋烽火角聲殘
魂魄猶依洛水寒
月落千山夜臺冷
家山有夢不會還

養一齋詩話石丈弔潘若稚詩云云蓋石丈明季諸生鬪賊入京北向痛哭鬱悒遂卒宜吐詞激烈如此

閔鼎一首

鼎字渭潢歌人有清話堂詩稿

遺民詩渭潢隱居江都性喜讀書常於廣庭設几席樹以紙屏人往來其側目不一顧兼精內典

懷南嶽遠菴和尚

迎師數千里葉落洞庭湖攜鉢猶爲累居山誰與徒詩懷秋月淡禪性野雲孤愧我淹塵世終年此故吾

沈叔竑一首

叔竑字宏度錢塘人

于忠肅祠

于公遺廟南山下旌旆蕭森極望中野老蓬春常薦醴石鼈

向晚自嘶風人磨斷碣青霜冷鳥啄荒苔碧瓦空知倚遙天
長劍動暮雲殘照欲成虹

李景福

一首

景福原名澹字梅隱揚州興化人諸生

遺民詩梅隱甲申後學使者嚴檄促試以死辭隱居教授

暮春遺意

三春看又盡身世一飄萍草識王孫意花傷遊子情殘燈和
夢斷濁酒帶愁傾日月年將逝悲歌送此生

徐象裏

一首

象裏字仲丙榆林人

秋興

江上何年別故人，臨流相憶淚沾巾。
滄桑漫問當時事，湖海難容此日身。
明月空林驚落葉，秋風短棹覓花津。
自憐野性耽泉壑，豈有桃源可避秦。

邵似歐二首

似歐字之文一字漢功鄞人貢生

鮚埼亭集邵尚書輔忠有子二似歐字之文朗經似
雍字之堯諸生同產七人中稱最秀時吾鄉於附奄
諸家相疏斥之並其子弟弗與還往尚書尤爲清議
所惡而之文兄弟別具志節不以家門見外丙戌之
文兄弟侍尚書大雷山中微言勸尚書殉國以蓋前
過不能得已而故王柄泊渝州石浦之間兄弟竭力
資其屏屨其後求周公載雲銘尚書墓囊雲直筆無
所借之文兄弟一慟而已嗣是故國遺民至蛟闕者
必登邵氏之堂兄弟皆有集傳於後

讀史二首

甘蹈東海死恥尊秦爲帝仲連一布衣片言抉大義當時諸侯王奄奄無生氣

子房圖報韓破產交俠客椎秦中副車十日索不得奇人作快事子古稱豪傑圯橋一卷書藉以興漢業究竟非素懷功成遂辟穀此心誰得知赤松與黃石

顧超

入首

超字子超吳人

靜志居詩話韓高士洽有明詩存選本其最心折者子超之長歌大約兼仿溫飛卿李長吉而神明之惜其全豪求之不得當崇禎之際吳俗談詩者多惑於楚咻以空疏蕭寂相尚子超出入經籍卓然蘿窟之遺

龍潛

紫海珠作宮方壺玉爲牕不有金鐵舟安能遂長往蛟龍走
如絲雷電縮于盜高掇翡翠巢俯襲珊瑚網馮夷仰面唬濡
足不敢上我欲呼巨靈玲瓏納諸掌

鍊墩

黃鶴委羽處雲浪高千尺聞說采香人時逢弄珠客磯頭燕
麥青鷗背漁天白陰火然積砂迴風響秋碧一棹尙可浮三
返殊未昔

張祐別業

寂寂巔前花香散春無奈當年作賦入遺宅生秋籟抱懷溪
澗中尋僧水雲外天子不見收名交竟何賴留得草青青相
傳作書帶

寒夜曲

霜月皎皎睡未能醉眼莫辨光皎皎紫梅吹破蘭窗雪翠竹
戛斷風檐冰琉璃凍碎膽瓶裂漏水膠殘銀箭折簾鈎多事
鶴無聊四壁清香幾曾絕西鄰美人聞金屋繡被錦纏半牀
玉金爐火滅難再溫不畏天寒畏獨宿兩心相隔無路通一
夜相思空熬中安得東風早吹拂先傳煖氣入房櫳

柳毅井

仙郎怨別龍闔曉肉麟騎出星潭早曉穿水母秋一泓世上
餅疊逐雲擾高天露滴桐陰密碧氣吹香湖上橘玉瞿牽斷
九秋絲古鏡照寒千歲漆瀟湘帝子洞庭君朝來出雨暮出
雲我有尺素不可將還家且放青溪羊

寺夜有懷二首

團扇初涼怨未休，尺書裁就獨緘愁。
青蟲飛散綠窗雨，白雁叫殘紅夢秋。
病裏看山惟落葉，夢中尋客亦登樓。
離騷久不輕開卷，今日張燈讀遠遊。

水滴蓮花夜未央，篆香銷盡九迴腸。
偷於寂寢翻殘課，我以相思怨夕陽。
零雨敗蕉淒暗壁，荒鷄疏磬隔橫塘。
林風乍息高窗白，十里蒼山一片霜。

哭吳生

玉藕銀塘映綺疏，鴛鴦樓上畫眉圖。
無端擲碎遊仙枕，從此人間好夢無。

潘問奇

五首

問奇字雪帆錢塘布衣有拜鵠堂集

遺民詩雪帆一生孤寂如僧詩與田梅岑合刻又著
拜鵠堂草客死揚州太守傅澤洪重其人葬之平山
堂側

夾山寺

窮窪來深谷千峯繞寺平墓田耕石骨樵徑入松聲地古春
難到山寒水自生上方茶碗罷塵夢此時清

潁橋晚泊

黃昏到新息此地古來荒店小門臨樹茅穿月射牀青芻喧
櫪馬黑水度山狼燭盡時聞柝征人苦夜長

自磁州趨邯鄲途中卽事

中宵聞鼙發日出走黃沙風力能飛石河冰不陷車郊寒臘

俊鵠樹者立飢鴉傍午停征轡炊煙得幾家

讀史

昆池夜火失金川望帝歸時化杜鵑家譜縱編洪武紀史書
難革建文年禍由鼂錯雖無及事續周公恐不然誰向長陵
求木石西山老佛起新阡

肅甯

縣有故瑞魏忠賢第宅遺址尚存

肅甯池館舊連阡過客追思鹿馬年齊國豎刁呼尙父漢時
朝士拜中涓北司計就書難上元祐碑成事可憐獨喜春來
吳楚地左楊祠火正喧闐

李潛

一首

潛字啟美揚州興化人有葉闇齋稿

宿清涼寺

人靜僧初定山孤月半銜石苔侵曲几松雪點危巖座上花
宜散階前草莫芟興來登北阜目送大江帆

張養重

二首

養重字虞山山陽人

遺民詩虞山俠骨文心蚤有令譽晚年詩愈豪品愈潔

雨中重過釣臺

再訪先生遇見難空江風雨逼人寒白雲中斷千峰樹碧漲
新添七里灘只有陰晴隨箬笠從無興廢到漁竿回頭前日
登臨地烟滿雙臺何處看

竹枝詞

辛籤卷三十四

蘄州竹簾涼于水黃陂葛巾細于紗晚來更挽高高髻喚買
街頭水桂花

魏應星

一首

應星字弁山揚州興化人

促織行

促織驚嬾婦婦歎無所織倚樓望明月門戶生荆棘今年絲
雖貴筐箱盈萬億買絲忙上軸輒輒無停息豈不畏辛苦將
以謀生殖秋風颯颯生租吏相催逼怒目坐我牀懷巾取官
勅擅去忍無言禍至恐不測爾蟲顧何知夜夜鳴我側嗚咽
入空房月暗風沙黑

韋人鳳

一首

人鳳字六象武康人

遺民詩六象有盛名詩以蒼健爲骨秀美爲澤

南山

家住南山下荒村只做廬春風三徑草夜雨半牕書石戶藤
花合茅檐竹影疏溪邊堪泛棹欲傍五湖漁

李瀚二首

瀚字士翔揚州興化人

遺民詩士翔有才名爲文奇拔詩亦超越甲申後逃於禪具老人欲授以杖拂辭不受

雨夜

積雨侵階滿茅堂可浴鷗妻孥十口聚燈燭五更愁隴麥春
苗假溪田水荇流野人思見日偶語立沙頭

送顧叔向之湖南

七月揚舲去淒淒荆楚游江山仍接漢辭賦且依劉旅興桃源路鄉心明月樓雁書衡嶺盡目斷九疑秋

王貴一

二首

貴一字象山揚州興化人

三月三十日

亭樹蒼茫綠牆花厯亂紅開樽聊細酌今日對春風

送吳甥夢祥入都

古驛風沙送馬蹄川原極目夕陽迷搖鞭莫向天山去皇帝
經春滿路曉

苗君稷

一首

君稷字焦冥二字有邵永平人

立秋前二日懷刺公

坐惜秋將至思君在翠微山空花自落林靜鳥還飛策杖尋
溪水牽蘿挂衲衣涼風送殘暑吾欲叩禪扉

程岫一首

岫字雲家歙人有江村詩話

遺民詩雲家父懸衡甲申之變不食死博學篤行守先人之志與孫豹人陸懸圃吳野人交善吟詠終老

贈徐鳳麗

積雨消春日羈人歎暮年淮流寒照樹鄉夢夜聞鶻舊業浮
雲外遊裝短棹前親知零落盡去住總淒然